

地 2620.1  
93334

部 = 21

東城雜記

# 東城雜記

甲寅二月借牀于東杭州湯寧都先生家  
實丁六司馬孤山探梅之約客居者十餘日  
十一日獨登吳山謁伍相祠坐茶樓看錢唐  
江亂山媚青大江澄白依塵万斛奔走都盡過  
天聖觀尋以此口山亭遺址迄不可得以百步  
錢易是書<sup>得</sup>佛夜燈下用書中一笑居士均作

尋以此口山亭詩咏詩聲  
与城頭畫角聲鳴。在蓋  
暝矣 芝村乞士記

東城雜記



嘉慶庚辰夏五  
錢唐汪氏校刊

吾杭會城之東遮列雉而裁宇者幽棲地僻學圃以悅  
生紫茄白苧青菘赤甲之屬綠畦被架貫四時而恆春  
魚陂千石依梅水爲盈縮不種自饒居民勤織作繰車  
緯夔接響連檐與耳謀者若水激之淞漑鼎沸矣賈區  
所聚亦有牛醫馬磨販脂賣履吹簫織藜苳之輩甬  
置其間俗儉而風茂美以故蟬蛻泥滓者擇地高蹈恆  
窟棲焉鑿坏爲門把茅蓋屋攬水竹以清心魂謝影纓  
而回俗駕蒿牀燼火諷詠內書甄障施廚咀嚙道味同  
塵采真此其選也亦有國老引年依風繩谷洛社高耆  
英之名梁書勅止足之傳折齒效其步趨小冠別爲風

東城雜記

杭序

一

振綺堂校刊

尚後賢尋白雲之堂歸路是樵風之徑流風未沫陳迹  
履綦更有名詮鉤黨人目清流汝穎仰月旦之品題黻  
歛結桃源之會課墨兵乍灑筆陣橫飛詩則臞軒著評  
書則懷瓘估直文則彥和程材畫則洪谷傳法醉鄉遵  
皇甫之科條茗酪藉伯審所辨記斯誠離騷之博徒藝  
苑之別子矣抑匪特興寄遠也蓋亦有禪悅焉赤華雞  
棲青豆蜂宿胸衣交臂齋版倦聽借禪榻以驗鬢絲拈  
餅花而參密旨千函榆櫨信地繙經一握松枝彌天選  
佛真可以破除結習淬練智光號此樂邦洵非妄爾吾  
友樊榭山人業茲者蓋二世矣延年鄰芳菊之谿名士

住青楊之巷溯沿往事特勩一編指形勝於灤東灤西  
敘土物於舍南舍北搜遺采隱抑揚寸心比城南之紀  
遊揭東園之友說蓋今世之耐得翁癸辛老人也昔圈  
稱紀載陳畱周處掌錄陽羨遠則根括四境近猶敘說  
一州若其撮舉方隅瑣陳街陌言不滿萬體兼數家譬  
之秦中歲時嶺南異物襄陽耆舊益州名畫洛陽伽藍  
吳興園圃合爲一書各臻厥美求之簿錄古無其倫不  
佞屢偕客座提耳舊聞研京練都殆將一紀而是書乃  
克寓目信乎艱矣因條其大槩而序述之如此堇浦杭  
世駿

杭城東曰東園地饒水竹蔬菰翛然清遠先君子因家焉小子生於是居已三十餘年凡五遷未嘗離斯地也每欲攷里中舊聞遺事而志乘所述寥寥無幾鄰翁野叟拙樸無可與語者因從故籍參稽每有所得輒掌錄之又於交朋質問復得一二雖見聞陬隘或遇嘉客見臨聊舉爲茗盃間談資爾或曰古杭事綦繁何不推廣成書而區區方隅爲笑應之曰姑有待雍正六年春三月十有二日樊榭山民厲鶚書於野人舟

東城雜記

自序

一 振綺堂校刊

東城雜記目錄

卷上

四十六條

卷下

四十九條

東城雜記

目錄

一 振綺堂校刊

東城雜記二卷錢塘厲徵君鶚撰徵君與先本生曾  
大父魚亭公友善每一書成輒就商可否是以著述手  
橐多藏余家是書爲未定之本其中塗乙添註較外間  
傳鈔者頗有增益所載東里文獻足補志乘所未備爰  
略加詮次付之剞劂末學譎陋恐校勘未能盡善尚望  
博雅君子匡其不逮焉嘉慶庚辰夏五里後學汪遠孫  
識

東城雜記

跋

振綺堂校刊

杭州愛日軒  
陸貞一董刊



東城雜記卷上

錢塘厲 鶚太鴻

永壽寺

寺在慶春艮山二門城隅之間四面皆菜畦野沼舊名永壽庵爲南海普濟寺下院康熙四十三年

聖祖仁皇帝南巡賜御書額永壽寺

富景園

武林城東曰東園者宋御園也至淮張展城後迤東十里許民居甚鮮多爲池塘畦棧因槩以東園名鄉先輩或云宋東苑似未得其詳按宋史孝宗紀乾道七年秋

東城雜記

卷上

振綺堂校刊

九月甲午從太上皇帝太上皇后幸東園光宗紀紹興五年夏四月壽聖皇帝幸東園葉紹翁四朝聞見錄孝宗內禪光皇實憲聖所命孝宗遂得日奉長樂極天下之養北宮去東園最近旬浹間卽請憲聖臨幸屬芙蓉臨池秀發遂白憲聖請登龍舟撤去闌幕臥看九佳憲聖欣然從之潛說友咸淳臨安志富景園在新門外之東孝宗奉憲聖太后嘗請遊幸又重於數戒有司故營是園以邇北宮規置略倣湖山今亦湮廢悉隸慈元殿歲收花果之入焉吳自牧夢梁錄城東新門外東御園卽富景園四水潛夫武林舊事富景園新門外俗呼東

東道川志  
云玉津園  
在龍山之北  
聚芳園在  
清波門外

花園灌圃耐得翁都城紀勝城東新開門外東御園今  
名富景園王士點禁扁園有集芳慶樂聚景玉津玉壺  
富景翠芳竝在杭以上諸書班班可考所云新門明代  
名永昌 本朝以其同闖賊僞年號改曰望江俗稱草  
橋門內地里人尚呼園前街者是已郎瑛七修類稿云  
東花園宋之富景園也內有百花池今園前民家尚存  
大池相傳舊矣臨安志又云昇仙橋富景園前南新草  
橋富景園東今望江門內護國禪院前有小橋不通舟  
楫俗呼爲等仙橋卽昇仙橋也近山陰許右文尚質寓  
杭雜詠云富景園開曲巷東風光直與玉津同百花池  
東城雜記

卷上

二 振綺堂校刊

上頻移艇閒殺江南垂釣翁述古可謂詳核矣又平湖  
沈遐庵修齡有經富景園故址調寄摸魚兒詞云過城  
東版兒巷口斜陽催送殘景空園喬木無情物不帶昭  
陽鴉影還記省柰回首花天月地和煙暝鶻聲嗁盡問  
淺碧荒池淡黃疏柳閒話不堪聽銅駝裏誰惜枝枝紅  
杏昇仙橋外畱映繁華已作浮雲散幾度春風消領闌  
曲凭數檢校垂旒彈指三生頃昆明劫冷看漢苑螢飛  
蘇臺鹿走喚起夢鷗醒予亦有過富景園故址調寄臺  
城路詞云生平落拓東城下谿雲素心都負迹似潛夫  
身如灌圃只記南朝衰柳牆根井口抱一片晴沙眼波

微酒縱不關愁露桃愁到不言後探春那回行徧冷飴  
猶未賣人尚中酒藏謎花樓戲嬰水館別有凭闌紅袖  
新煙信否過幾度酸風翠梢睂鬪佇立誰知暝鴉飛去  
久

遊東園啟

諸虎男匡鼎招王丹麓晬遊東園啟云比鄰看竹本學  
士之清懷攜客登山亦達人之高致城東有東園焉乃  
故宋之東苑也郊外桑麻無殊栗里園中雞黍不異桃  
源黃花萬畝儼竺國之鋪金白藕千池似崑山之積玉  
翦松栽柳抑又何求折芰燔枯此焉自足沽村酒以薄  
東城雜記

卷上

三

振綺堂校刊

醉望明霞而可餐持鋤野圃竊比漢陰垂釣方塘略同  
濮水何必山陰道上始歎難爲人懷落雁峯頭方稱呼  
通帝座耶儻或傾風幸希賁止

宋畫院

陳仲醇繼儒妮古錄云武林地有號園前者宋畫院故  
址也

程源

南渡後程源爲伊川嫡孫無慘殊甚嘗鬻米於臨安新  
門之草橋著爲道學正統圖嘉定十七年聖旨訪求伊  
川後特與錄用源補迪功郎除二令監丞元祐初起伊

川誥詞云敕鄉貢進士程頤孔子曰舉逸民天下之民歸心焉吾思起草茅巖穴以粉澤太平而大臣以爾好學篤行薦於朝願得試用故加以齋命起爾爲洛人矜式此故事也盛名之下尚謹處哉紹興元年九月二日敕通直郎程頤朕惟周衰聖人之道不得其傳世之學者違道以趨利舍己以爲人其欲聞仁義道德之說孰從而聽之間有老師大儒不事章句不習訓傳能自得於正心誠意之妙則曲學阿世者又從而排陷之卒使流離顛蹙無所爲而死其禍賊於斯文者亦甚矣爾潛心大業無待而興者也方退居洛師則子弟從之者孝

東坡雜記

卷上

振綺堂校刊

弟忠信及進侍講帷則拂心逆指務引其君於當道朕錫以贊書寵以延閣尚其靈明知享此哉可特贈直龍圖閣嘉定庚辰徐公僑爲江東倉曹跋前後二制詞曰右伊川先生舉逸民追贈之誥詞也昔先生居洛以道自任元祐初始應詔未幾以間去中興首明黨議而先生下世矣先生之孫源將以二詞劓諸石先生之道雖不行於時此益以見我朝崇儒重道之意東陽徐某謹

書

出葉紹翁四朝聞見錄

程源授迪功郎制

敕故左通直郎崇政殿說書贈朝請大夫直龍圖閣諡

正程頤四世孫源朕惟道德性命之旨具載魯論孟氏之書關洛諸儒講明益備柰何頃歲各欲專門遂致邇來橫生邪說朕所以悉贈先儒之諡并及張呂之儔曲阜來歸既尊崇於孔氏元日發制復訪後於伊川觀之年高廩而奉祀源方強仕遂命以官庶幾感發人心推明道統俾務躬行之實無爲邪說之歸爾其懋哉朕意深矣可特授迪功郎嘉定十七年六月三日右見李秀巖心傳道命錄觀之伊川先生三世孫源之父也

東臯隱者

元末東臯隱者范思賢其先在宋時有爲防禦使用醫

東城雜記

卷上

五

振綺堂校刊

小兒名隱者去防禦五世其業益精其爲醫務利人不務利於人名愈顯又性至孝壬辰之寇抄掠市井亟攜其母出沒賊中走匿湖山之叢薄家貲不顧也所居錢塘城東地平行有草木禽魚之樂暇日輒賦詩鼓琴圖寫山川人物以爲娛或勸之仕輒曰吾不能隨世俗俛仰不願仕也因自稱曰東臯隱者作東臯隱者贊贊曰自昔先民所趨靡同或隱以爲高或仕以爲通惟聖有訓卓有義方我觀今之人仕則以爲容鼎以拄車筐以植宮鼎折斯仆筐敗斯崩彼曷揆曷守上下用以蒙有美隱君心夷而氣沖其行既周其惠又以充東臯之陽

有木鬱蔥或偃而歌或踞而桐俛仰宇宙齋胡我降葆  
茲貞白穆其清風是用作此以播於邦此天台徐大章  
一夔始豐類橐之文也大章又有述德一篇略云予有  
子方晬病勿能乳哺吾家去思賢十里許晨起走告之  
思賢曰子第先往日加午刻吾來視之既返大雨如注  
將午平地流潦盈尺吾已必其不來既而思賢戴雨笠  
被毳褐跨款段馬踵門索兒視予抱兒前視之曰無傷  
也授以匕劑曰服是當愈吾兒今已長大而思賢墓有  
宿草恆念之不置云云蓋思賢隱於醫而能以仁厚信  
誼存心有古高士之風不徒以技術著故一時名流多  
東城雜記

卷上

六 振綺堂校刊

投贈之作廬陵張光弼呈題范思賢東臯隱居云海水  
桑田幾變遷桃花依舊郡城邊蔬園百畝充官稅藥價  
一生供酒錢詩句興來題綵筆道心悟後付朱絃院曹  
誰信同僚後屈指交遊十五年臨海陳敬初基東臯隱  
者詩爲范思賢作云錢塘隱者東臯子讀書賣藥青門  
裏云是先朝防禦孫至今住近蒲橋市蒲橋東頭楊柳  
青門前好山終日橫承家善起小兒疾好古不求當世  
名韓康之後誰流亞宋清已矣無來者世上如今市道  
人紛紛見彈思鶚炙眼明有此東臯生百年義重黃金  
輕江湖放浪詩千首風月徘徊鶴一聲願予亦是忘機

客買藥青門始相識爲君長嘯上東臯極目千峯倚空  
碧又楊廉夫維楨有吳氏歸本序云錢塘吳觀善字思  
賢自杭之淞謁東維先生曰善之外高祖徐防禦氏在  
宋爲小兒醫贅壻曰范防禦氏范無子又贅宋四門教  
授吳氏子從明字公亮承其家而嗣其業南渡後自汴  
徙家杭之東青門從明生德誠提領平江醫學德誠生  
仁榮杭州路醫學錄仁榮生四子長卽觀善也善通經  
史學不顯工岐黃氏之書嘗讀文正范公傳公幼隨母  
適朱而未嘗一日敢忘其本生卒復范姓君子反本之  
道也善隨外舅氏宗於范今將反本於吳禮也已作堂

東城雜記

卷上

七 振綺堂校刊

先廬之東名以歸本句先生大手筆一志庶吳氏子姓  
有以知水木本源之義也吾悼秦法子壯則出贅世襲  
以爲風父道不正遂不子其子而子其壻致宗祀不明  
氏族無辨有司詔民者又不以釐而正之至使一門沓  
著戶籍其壞倫紀也甚矣善能反本於徐范二宗之外  
而亟歸正於吳非讀書達禮篤正之君子能至是乎

鐵史筆之故吾樂與之文使後之不肖子姓蹈秦風  
之鋼弊者有所倣也夫

東維  
子集

癡絕生

陶南村宗儀輟耕錄王思善繹自號癡絕生其先睦人

居杭之新門篤志好學雅有才思至正乙酉間樵李葉居仲寓思善之東里教授予從永嘉李五峯先生孝光訪之時思善在諸生中年方十二三已能丹青亦解寫眞先生卽俾作一圓光小像面部僅大如錢而宛然無毫髮異先生喜作文以華之爾後予託交於其尊人日華曩遂與思善爲忘年交思善繼得吳中顧周道達緒言開發益造精微故於小像特妙非惟貌人之形兼得人之神氣云郁逢慶續書畫題跋記有楊竹西高士謙小像嚴陵王繹寫句吳倪瓚作松石遂昌鄭元祐抱遺叟楊維禎西澗居士蘇大年扶風馬琬句吳高淳東海

東城雜記

卷上

八

振綺堂校刊

散民錢薰席帽山人王逢虛白道人茅毅各爲贊思善之筆流傳於世者殊不多見也

海神壇

咸淳臨安志海神壇在東青門外太平橋之東淳祐十二年有旨中興以來依海建都宜以海神爲大祀下太常議禮詔守臣馬光祖建殿望祭自寶祐之元歲以春秋二仲遣從官行事宋史樂志有淳祐祭海神樂章十六首是時西北地久失於金源而祭祝猶及之其西海位奠玉幣澗安云蓋高斯覆猶隔封疆酌獻類安云我秩祀典四海一家北海位奠玉幣瀚安云一視同仁我



心則怡酌獻溥安云惟德之涼曷奄九州撰詞者不無冀望恢復之意而國是日非元起朔漠未幾伯顏之師且駐江上海潮三日不至神之馮依果安在哉今太平橋在慶春門內東河橋之東地近城曲平遠虛曠望見西湖諸峯浮螺攢黛於屋山樹杪亦佳境也

聞子將嚴印持結社

杭州明季先有讀書社倡自聞孝廉子將啟祥張文學天生元馮公子千秋延年暨嚴印持調御忍公武順無敕敕後乃合於吳中復社子將中萬歷壬子鄉試天啟壬戌與嘉定李長蘅流芳同上公車聞警報踵至未及

東城雜記

卷上

九

振綺堂校刊

國門而返著有自娛齋集千秋爲具區祭酒之孫祭酒秀水人娶於武林沈氏遂家焉愛西湖之勝築快雪堂湖上千秋因入籍錢塘中崇禎己卯副榜貢入太學歸隱秋月庵有煮鶴臺秋月庵臺三嚴自餘杭家錢塘高隱不出兄弟有作朋集天生工書法遺文多散逸東里有報國院在慶春門城隅舊爲香林廨院天啟初重建仁和錢宮贊謙之受益碑記云子與聞子將嚴印持諸公結社其中卽讀書社舊地也復社名流數丁陽九標榜太盛幾罹黨禍而數君子蟬蛻自全龍潛不見多以山水禪喜爲託比之申屠蟠郭林宗有足多者焉碑有

不野而望超不山而聞寂二語狀境殊勝

讀書社文序

秦和蕭伯玉士瑋與閻子將最善嘗作讀書社文序略云山之致在煙嵐無嵐則枯水之致在淪漪無漪則腐文之致在氣韻無韻則死文之有韻如山之自嵐水之自波舉吾之所挾以爲至貴至妙一無所託而後自然之韻乃出焉蘇子瞻云觀士人畫如閱天下馬取其意氣所到乃若畫工往往只取鞭策皮毛槽櫪芻秣無一點俊發看數尺許便欲倦夫文有所挾以爲長人所可得而知者此皆鞭策槽櫪類也至意氣所到天韻獨出東城雜記

卷上

十一 振綺堂校刊

止可鼻參不容目飽廣陵散於今絕矣予至武林聞子將出讀書社諸君子文與予視之脫口落墨不墮毫楮獨畱一種天然秀逸之韻倏忽往來撲人眉端如山嵐水波風煙出入年來文章之道蕉鹿之爭紛紛未已爲士師者良亦獨難子將以一世沈濁不可以莊語遺物離人而遊於獨固善移諸君之情矣

灌園生

元末潘時雍居郡城東宋輦院故址有隙地十餘畝古井一區簡淡力學詩句脫塵嘗賦徐一夔獨樹軒云瀟灑幽軒面水開軒前老樹倚雲栽閒來倚杖過三帀醉

後支頤看百回風雨欲隨龍化去雲霄常聽鶴飛來結  
鄰擬共榮枯事遮莫人知是散材教授海鹽之黃灣見  
海宇兵起遂歸抱甕而隱自號灌園生崇德具廷琚瓊  
爲作灌園賦并序云錢塘潘時雍治圃於城東門築垣  
四周引水成渠以灌園自號其意以爲無功而食人之  
食者元氣之賊萬物之蠹也故勞焉而後食身執其役  
以給朝夕之費二親無戚戚之憂萊妻有同志之驩吁  
參於富貴者不知澹泊之爲高耽於榮利者不知道德  
之爲大旣榮而覆古今一轍則灌園之利不已多乎昔  
於陵仲子辭三公而爲人灌園充其廉也向秀呂安灌  
園於山陽安其逸也潘岳去長安令而閒居灌園病其  
拙也時雍亦若人之匹與或者疑其居有闔闔罔利之  
習座有俗客鳴聲之聒又安能效彼之所爲者非知言  
也乃述賦以廣其意云賦曰步青門而長嘯遊予心於  
古初目藻麗而弗近敦樸素而爲廬資灌園以自業類  
潘岳之閒居食五鼎爲不及飲一瓢爲有餘幸免隸於  
征戍或弦琴而讀書恥桔槔之尚巧逐末景而區區其  
地襟江帶湖青紆黛蓄拱以連山突怒起伏實東南之  
形勝爲帝王之行都周金城兮萬雉列甲第而當衢族  
茂許史家擬陶朱肆有藍田之玉斗量南海之珠技博

古今之妙音會八方之殊傾國過乎燕趙跋利疑而曳  
輕裾若神人之綽約效冰雪之肌膚於是命相開藩鎮  
我南服象天河而鑿池擬紫微而建閣集貂蟬之濟濟  
衛虎豹之肅肅殫慮乎庶務者蕭曹之倫鋪張乎太平  
者枚馬之屬衣襲綺紈食兼粱肉塗比車蓋庭奏絲竹  
巖棲者未覩其盛家食者思發其所畜也乏匡時之明  
略乃退齒乎齊民墾不食之棄壤託鹿豕以爲羣疏濁  
流而遠注闢斜徑而支分筍長渭川之竹菜生雲夢之  
葦蒲荒秋雨菘茂早春甘者如薺脆者勝芹始芽出而  
冒土忽葉布而覆雲茶三名而可食薦五色而成文候

東城雜記

卷上

三

振綺堂校刊

靈雞而畢起庶戒逸而務勤冀擷秀於寒暑必浹潤於  
朝曛恒獨往而無求爰四顧而欣欣乳鳩呼而相應惡  
草蔓而當芸感生成之攸遂亦有藉乎人人其或風雨  
之晨鐙火之夕俎豆娛親琴尊命客揄竿有鮮充庖有  
辛夏果磊落秋瓜輪囷茲田夫之所美又焉得獻之吾  
君嗚呼章綬不優於野服瑤臺何異於蓬室諒乘軒而  
取譏雖抱甕而奚恤寧陋彼而榮此聊逍遙以終歲  
金谷廢而蛙鳴玉津空而狐穴中雖侈於五畝後孰恤  
夫一石乃爲之歌曰朝汲於河兮其流湯湯暮觀我圃  
兮其葉已黃炎風卷沙兮白日藏尚昏其事兮毋棄而

荒又歌曰登彼陸兮猛虎噬人涉彼海兮白波滔天叶  
我藝而灌兮入以事親誓勿彼適兮危其身歌旣闕幽  
情暢白露下初月上陶然一適混乎無象委通塞之有  
時蹇予行其焉往又寄時雍詩云潘岳閒居學灌園一  
椽茅屋近青門野鳥得食頻將子慈竹團陰定長孫賓  
客過門車蓋合兒童汲井輓轆喧春風金谷空流水且  
共高歌醉瓦盆張光弼爲灌園生潘時雍賦云卻惡喧  
囂遠市塵自耕荒僻浙河邊時非蘇子投書日鬢是潘  
郎作賦年飯客夜春鸚鵡粒灌園春引桔槔泉場然斲  
睡茅茨下榮辱何因到爾前按青門謂東青門今名慶

東城雜記

卷上

三

振綺堂校刊

春門每經行菘塍瓜架間髣髴時雍故居所在也

西嶺草堂續記

始豐稟

洪武中天台徐大章一夔有錢塘泯上人西嶺草堂續  
記云錢塘泯上人志行絕俗早依雲門法師受度至正  
中雲門來主下天竺之席上人實侍左右其所棲息則  
西嶺之草堂近焉西嶺草堂者唐元和中杭之高僧道  
標師所居也僧史稱師神氣清茂爲道旣高而詩尤精  
妙與吳興皎然會稽靈徹齊名時之名人以摩雲霄三  
語贊之上人甚慕焉其言曰吾上視師雖不與同世而  
與同鄉里使師顏面肢體而與吾殊也我則不敢知苟

顏面肢體不與吾殊亦奚不可及之有則其中之所存蓋可見已將謀復作草堂會兵燹日熾而西嶺之勝汨沒於風塵之中上人曾不少沮仍擇地郡城之東構屋四楹限以周垣植竹與樹其前舊有陂池春夏水長水氣上行與竹樹會清芬可挹上人閉門危坐披閱內典以探教觀之要暇則曳袖長吟顧瞻西山搜精鍊奇而西嶺峯堯宛在睂睫間因署名曰西嶺草堂致其志也予曰古之桑門上首積行累業蜚聲一時垂名後世僧史所載蓋亦不鮮姑以錢塘言之若聖達觀之神異辨才淨之辨博孤山圓之孤峻咸所宜慕者而上人顧獨

東城雜記

卷上

西 振綺堂校刊

於師是取蓋必有所以然者吾嘗思之學道之士以今慕古必取其質之近似者惟其質之近似故其慕之也切慕之也切精神念慮冥孚默契則其入道也易今人生而同世以某問某猶有不知者上人之生去師五百有餘歲而獨慕之非有所似惡能自信若是向予謁雲門於天竺見上人氣貌不凡心甚敬之別去日久其法友與予相見輒談上人行業精進而予猶未悉其蘊間一造焉草堂甫成止予就宿青鐙永夜接膝蒲團之側神清思遠窺其風致隱然有上摩雲霄之意區區世相何得而溷之哉然後知上人不徒慕也吾經有云維其

有之是以似之草堂之作亦何必規規於西嶺之下哉  
會上人謁予請著西嶺草堂續記於是乎書

### 高雲閣

明雲間莫雲卿是龍有聞於時近吾杭莫雲卿如鯨亦  
以文雅好事爲名流所重毛稚黃先舒贈詩所謂昔字  
雲卿者君其伯仲間是也家東園有高雲閣疏泉列樹  
頗極清曠毗陵惲壽平格與之友善遊杭必寓閣上多  
有題詠句如露蔓平窺石煙蘿半浸池薜荔愁中鬼桃  
花劫外身舊雨青氈在新愁白髮知無山多怨鶴得樹  
亦棲鸞一時園林高致賓主交情令人想見予友陳玉

### 東城雜記

#### 卷上

五

振綺堂校刊

几撰藏壽平在杭日手札二與毛稚黃云從東園緣柳  
塘行三四里逢橋五六過城北茅子鴻新居時芻牧驅  
馬駝蹠躩奔驛吹角之聲相聞暝矣不取故道從市中  
肩摩而趨抵高雲閣中新月已挂高柳之半露蟲大作  
吟聲此時意君已就臥或尚立檐下哦秋風得奇語正  
思惲子來叫絕然興倦後不能再穿深巷呼君同上新  
橋看月也與王丹麓云五月廿三日期又競稚黃東琪  
虎男次日訪北墅王丹麓會大風雨諸子不果來因思  
客歲丹麓從冰雪中訪我東園我輩今日盤桓不及王  
郎遠矣口吟自嘲并題扇寄北墅密雨千門正未開無

人同破北山蒼雲邊悵望回舟客曾比王郎踏雪來壽  
平又嘗自號東園客

### 九宮貴神壇

徐一夔宋行都考九宮貴神壇在東青門外一里許以  
今地度之菜市橋側東青巷是門之遺趾元張氏改築  
杭城拓開於橋東里餘壇當在慶春門內城隅矣按咸  
淳臨安志九宮貴神壇紹興十三年因太常丞朱輅之  
請以春秋二仲舉行祭禮屋而不壇十八年太常主簿  
林大鼐乞詔有司建壇於國城之東從之神之版位則  
夢梁錄所云北太乙西南攝提正東軒轅東南招搖中  
東城雜記

### 卷上

去

振綺堂校刊

央天符西北青龍正西咸池東北太陰正南天乙是也  
神之靈爽則宋史禮志所載九宮貴神所主風雨霜雪  
霍疫所係甚重是也九宮壇分祭初獻亞獻官六部侍  
郎以上終獻官監察御史光祿卿丞見宋史輿服志紹  
興祀九宮貴神樂章十首見樂志方秋崖岳立春都堂  
受誓祭九宮壇詩云輦路春融雪未乾雞人初唱五更  
寒瓊幡第一番花信吹上東皇太乙壇

### 朵那傳

輟耕錄云朵那者杭城東偉兀氏之女奴也年十九勤  
敏謹愿主卒某郡宦所朵那奉主婦日謹主婦亦委以

氣道非也  
志云九宮壇  
在東青門外  
一里許祀九宮  
貴神



腹心至正壬辰秋七月初十日寇陷杭劫官民府庫至偉兀氏家不得物乃反接主婦柱下拔刀礪頸上諸侍婢俱散走朵那獨以身覆主婦請代死且告曰將軍利吾財豈利殺人哉凡家之寶貨皆我所藏主婦固弗知若免主婦死我當悉與將軍不吝寇允解主婦縛朵那乃探金玉幣帛等散置堂上寇爭奪之竟又欲犯朵那身朵那持刀欲自屠曰我主二千石我誓不奴他姓況汝賊乎寇驚異捨而去朵那泣拜主婦曰棄主貨全主命權也妾受命主鑰貨今失貨而全身非義也請從此死遂自殺時人稱之義烈云

東城雜記

卷上

七 振綺堂校刊

長生寺

予所居舍東一牛鳴地有庵曰曹源無多屋宇環以嘉木鑑以清池頗宜坐夏榜曰古長生寺按咸淳臨安志長生寺周顯德四年吳越王建紹興十九年旨充九宮壇齋宮後至元間重建明洪武辛未詔天下清理佛教遂并附於潮鳴寺而廢至萬歷四十年改爲小庵仍曰古長生者存舊迹也范石湖成大次韻尹少稷察院九宮壇齋宿詩云草草馳三里蕭蕭共一餐吏方縣禮蒞公自將詩壇隙月窺牀近窗風刮坐寒鴉鳴未忍散端爲合并難正指斯地近錫山秦對巖松齡遊杭宿曹源

庵贈息機上人詩云小築傍招提安禪絕所思艱難行  
腳後容易退耕時佛火分池面茶煙合竹枝語深忘去  
住一榻鬢如絲此詩甚佳庵僧書於版以示過客而秦  
太史蒼峴山人集不載

張隱君卿子

張隱君遂辰字卿子一字相期號西農少穎異於書無  
不窺工爲詩以國子生遊金陵見賞於董尚書其昌陳  
徵君繼儒明末潛名里巷爲醫自給能探丸起人死人  
爭迎致之卜築東城詩格益澄澹孤峭多自得之語在  
西泠流派外可自名家隱君每於歲闌定勉誠子息云

東城雜記

卷上

大 振綺堂校刊

家足過年之用座無寒士之求不惟有媿本心抑且無  
別庸俗又嘗述其祖龍墩公貧止一布袍除日逢急者  
卽解贈之清門世德可以激薄停澆矣著有白下湖上  
蓬宅衰晚四編蓬宅者錄其東城所作也忍公無敕招  
入六逸社簡謝云東城有老生三五接茅屋聲名雖翳  
如志色不降辱乞食拙叩門爵年少賜粟二巖天放翁  
舉逸嗣其六高會相招邀寧恥敝冠服寄情在琴歌養  
老事觴肉詎惜恕疏狂禮容亦簡足持論昧苟同古風  
良可掬白首永晏言娛懷還厚俗冬曉尋東鄰諸子云  
東城愛清曉日出在寒林殘葉響冰面微霜畱屋陰事

皆緣老謝迹賸有孤尋忽漫聞村犬悠然門巷深隱几  
云一區城曲地還餘隱几蕭蕭落木初賭墅吹樓無子  
弟故家遺俗有琴書天遙欲縱高飛鵠池白長畱禁射  
魚尚惜興疏交漸絕朝來斗酒爲誰儲孫宇台治題張  
卿子隱居云東城何逶迤樹木紛扶疏中有賢人室綠  
水繞前除門外多車轍室中惟圖書草木皆秀色僮僕  
鮮嗟吁客至感心醉朋來結相於借問主人誰其人乃  
爲儒伏邴無恆軌嚴鄭有先驅願得聆警欵執手日躊  
躇曹薰之臣舌華錄云武林張卿子有野花詩十首佳  
極盛傳一時人目之曰張野花卿子善病常數年不出  
戶面孔黃瘦人有見之曰是野花張也惜十詩集中不  
載想少作爾

許然明

許次紆字然明號南華方伯茗山公之幼子跛而能文  
好蓄奇石好品泉又好客性不善飲宴客每徹宵且金  
錯到手隨盡坐是屢因因出遊閩楚燕齊數千里外嘗  
裹金數鎰歸歸數月又盡貧自若也與黃貞父吳伯霖  
張仲初馮開之諸公善家東城近慈雲寺竝城對池境  
甚瀟灑所著詩文甚富有小品室篋柳齋二集今失傳  
予曾得其所著茶疏一卷論產茶采摘炒焙烹點諸事

凡三十六條深得茗柯至理與陸羽茶經相表裏前有吳興姚叔度紹憲同里許才甫世奇二序稱然明歿後三年感夢於才甫曰欲以茶疏災木今以累子才甫因授剗刷文士結習不能忘情於身後事亦奇矣

### 東門菜

晁无咎補之七述云杭之爲州負海帶江而東南美味之所聚焉水羞陸品不待賈而足菜則萹蒿因陳紫葢青萹韭畦芋區菱首芹根藤花羞盤菊葉薦筍薑辛薤淡薺甘茶苦此吾杭之菜見稱於文士之始然未詳所產之地也周平園必大二老堂雜志云車駕行在臨安

### 東城雜記

#### 卷上

三 振綺堂校刊

土人諺云東門菜西門水南門柴北門米蓋東門絕無民居彌望皆菜圃西門則引湖水注城中以小舟散給坊市嚴州富陽之柴聚於江干由南門而入蘇湖米則來自北關云此諺至今不改毗陵邵子湘長蘆西湖雜興云杭州食單大蘭奢西魚東菜總堪誇楊梅夏熟臯亭好石首鮮來頭水嘉一作西魚者以西湖產魚鮮美異他處也

### 慈雲寺宋刻

雍正庚戌二月予過慈雲寺見階下生臺石柱上有宋元符二年馮謹建普會塔一所題記殿壁又有宋景定

二年城東慈雲院甲乙流傳住持證據府帖碑乃是臨安府給付住僧崇寧者篆額細如絲髮上作雲螭文甚古城東宋刻僅存此耳

### 沈正叔

沈大亨字正叔號樟亭宅在清泰門宋學士交通之後少爲諸生博極羣書善尺牘百函可立待而不善舉場之文以故艱於遇合中歲遊京師時華亭徐文貞柄國知正叔才欲畱撰青詞積資可得中舍正叔曰吾得曳裾王門可耳安能鬱鬱久居此遂入貲得楚府典寶正昭王雅志典墳接遇賢士大夫盡禮正叔輔導之功居東城雜記

### 卷上

三

振綺堂校刊

多昭王春秋漸高艱於子一日引正叔至密地指太史公書某傳謂之曰若堪屬此乎正叔遷延引避叩首曰殿下年力方茂錫麟非遠臣實愚頑不敢奉教昭王咨嗟太息愈欽重焉其守正如此子宜先字尚行號芝暘爲人情至哀樂過人長女爲馮太史開之繼室太史時未遇食貧不能納禮尚行闢甥館居之父子墓石俱太史所撰文也

### 項子京芝暘圖

余友趙谷林家藏項子京芝暘圖一軸山作小斧劈皴崖上古松數株墨桃花一樹崖下芝一本流水潺湲一

高士默坐相對款云芝暘圖山人項元汴爲武林沈君  
寫下有墨林山人印左方跋云汴與樟亭芝暘賢喬梓  
道義相洽意氣同調歷交世好凡其遨遊燕楚經必過  
晤把臂博古逍遙世上今此借老人各守處僕自向罹  
家難受制暴黨甚矣吾衰世故灰滅閉門待期遐棄素  
交曷勝興慨方在戊子秋七月旣望兒曹赴省告校重  
蒙尊君推恩訪惠兼致不遺故情復辱長公寄貽龍井  
小春茗合想同臭犬馬垂盡之年忽得宿好遠將之美  
銘佩殊深不憚耄昏拭眵勉力走筆是楮擬作三生後  
對來因拙技窮斯幸克一眄墨林子項元汴題下有墨

東城雜記

卷上

三 振綺堂校刊

林項元汴二印蓋清泰門沈氏故物也

橫河

橫河東運河之支流西湖水灌市河從城外過壩入焉  
東西夾以雙橋如睂影窺鏡夢梁錄云崇新門外小粉  
場前普安橋又名橫河橋其東名廣濟橋今但名東西  
橫河橋而小粉場則里人仍稱之其地近城圍樹色高  
下屋瓦參差雨篷煙艇早暮聚集虞長孺淳熙橫河打  
魚行云霏霏曉霧古城低竹壓危橋魚艇迷此時月鉤  
不落水大魚小魚爭出谿宿鷺憎人翻雪去鷺沙盡被  
漁人踞飛簷十丈浪花浮赤腳何妨多沮洳魚驚迸散

背尾馳囊頭戢戢交參差老夫無緣救不得飛紅斫玉  
糜湯池鮪鯨泣釜沸聲切猶記蘆根有殘穴後身願復  
濟前濡灑子仍憂值江鼈魂歸貝坻訴白龍白龍魚服  
泳寒風漁人捕得燔枯處急雨打船帆影空龔蘅圃翔  
麟調菰水憶橫河紅葉云小艇東偏綠陰曾聽鳩邊雨  
幾番霜信宛翦就猩綃殘縷恰伴僧牆黃雪落帽風前  
舞一點點逐亂流去夕陽暮浴水鳥斷霞攪碎只趁著  
漁舸住千絲撒網便認作金鱗聚莫是舊溝漂出還有  
人題句愁吟客夢過吳江路

如此江山亭詩卷

東城雜記

卷上

三

振綺堂校刊

張左司如此江山亭詩卷明時藏城東景隆觀道士史  
志中處按亭在吳山天聖觀嘉禾周桐村鼎跋云如此  
江山者何有所感而言也必宋遺民有爲而作越若干  
載登高而嘯詠者爲一笑居士廬陵張光弼於時元社  
旣屋居士之爲此遊一俛仰間何如其爲感也作亭者  
之感尚淺遊者爲益深也遊後又無亭矣惟詩卷存獨  
居士名章章然他或僅附驥耳此卷郎仁寶曾見之名  
賢妙墨失傳已久今檢張光弼集有如此江山清集同  
王仲玉陸進之呂世臣作云吳越江山會此亭暮春風  
景晝冥冥長空孤鳥望中沒落日數峯煙外青不用登

臨生感慨且憑談笑慰飄零古今何限英雄恨付與江湖醉客聽其三人之作不可考矣

### 劔石銘

劔石元時在城東景隆觀句曲外史張伯雨爲銘并序云石在景隆觀長踰等廣不及尺黝碧如鐵鐔鏐具焉予作銘未幾夜半爲有力者負去銘曰鍊質鴻濛挺鋒截辭正一之氣勿壅勿遏星精內蘊玉理旁達瑩謝顰膏書存紅沫倚天卓地排氣鎮魃兆茲神宮善建不拔

城東倡和序

元戴帥初表元城東倡和序略云歲在大德戊戌嘉興東城雜記

### 卷上

西

振綺堂校刊

顧伯玉客至杭東城杭之賢而文者皆與之遊而屠存博白廷玉以歲晏立春前一日過廬清談劇飲甚適既少倦卽與循關坳步江臯眺太伯錢鏐之荒墟弔陶朱子胥之遺迹意色蒼莽襟神飛竦退而存博遂先成古詩二韻六言五章以紀其事旣而廷玉有和人別爲詩而張仲實陳無逸諸賢亦皆有和詩遂不可勝紀其氣如椒蘭之交襲而馥也其音如簫鐘之遞居而不亂也其類如鍼芥磁鐵之不相違而相入也山野土木之人無能與於茲會辱以小序見命不敢固辭予按顧伯玉名文琛嘗爲郡國所舉辟遊燕不遇歸陳無逸名康祖



龍泉人官澧陽教張仲實名楨號菊存杭人系出西秦  
循王五世孫牟嚙翁之婿官江陰學正白廷玉名珽號  
湛困杭人官江浙儒學提舉屠存博名約號月汀杭人  
官溧水教諸公皆知名可考惜倡和詩已散佚不傳矣

### 戴文進畫蹟

明宣廟召戴文進入京爲畫院謝廷循所忌逃歸杭隱  
於諸寺爲作佛教諸像今東城華藏潮鳴二寺挂軸尚  
有存者杭人相傳文進初爲銀工所造釵朵種種花鳥  
人物精巧絕倫思以是傳於後後見銷銀者卽已手製  
也悔而學畫遂有名其女亦工畫文進墓在西湖橫春

東城雜記

卷上

五

振綺堂校刊

橋

### 鵝

明思陵癸未世難孔棘杭有海大鳥人面鳥身四足二  
翼集於城東門音噍噍然陳處士際叔聞而搯擊流涕  
曰此鵝也所見之國其下多放士因自號鵝客作鵝客  
問其後武林人士之高蹈者若金衛公堡徐世臣繼恩  
遊於方外陸麗京圻應嗣寅搗謙隱於醫卜汪魏美瀕  
徐堅石介足迹不入城市關六鈐鍵沈大匡捷徵辟不  
起其他肥遯之賢不可勝數際叔亦以授徒鄉里終其  
身百蟲將軍之經於是有驗矣

葉居仲

元葉廣居字居仲至正乙酉間嘗居杭新門之東里教授見輟耕錄及閱魏文靖公驥自得齋集序知其先居杭而後遷嘉禾也序云自得齋詩文集者錢塘葉盛維新集其祖元江浙儒學提舉公之所著也惟葉初爲括蒼之松陽人以維新之十六世祖銀青府君居元祐黨籍持節濤江遂爲杭人後遷嘉禾其子孫青紫蟬聯儒術相業在宋盛時人罕與儷公生於其族實宋吏部尚書贈開府儀同三司南陽郡公諡文康時之六世孫夷考文康以積學從政正色立朝若居臺閣而擊韓侂胄之姦任侍從而定建儲之策述禮經會元以明周公建邦立極敦禮崇樂之要其文學政事誠表表偉偉於當時者也公承其家學於書無所不讀其所長者春秋與時之名士曲江惟善錢公嚴陵道原魯公暨廉夫楊公皆以是經名重浙水東西若公之詩文尤春容浩瀚其理致體裁究其所至殆近古之作者惜乎歷年滋久故散佚不傳者多今維新所集蓋不過千百而什一也公名廣居字居仲別號自得故集以自得名云今集已失傳僅輯其詩六首以備東里文獻云爾題范寬煙嵐秋晚圖云范寬作畫絕代無巖壑交錯青珊瑚玉堂仙人

東城雜記

卷上

五

振綺堂校刊

妙題品

子昂

十載見題如見圖亂後圖書盡狼藉奇珍委

地無人識蕭條錦標世間稀拂拭墨痕三歎息題崔君  
誼友竹軒圖云孔方絕交亦已久忘形三徑相追攀高  
軒時過翠羽蓋美人或贈青琅玕清風愼截鳴鳳瑄滄  
海勿垂釣鼇竿一朝羣材盡登用空山無人同歲寒寄  
楊廉夫二首云江樹春如綺湖山煥帶煙興來猶早起  
愁絕不成眠賒酒過三月無家又一年故園歸去好猿  
鳥亦欣然聞道西湖載酒還飛瓊弱翠擁歸鞍可無噩  
夢登金馬賸有春聲到玉鑾異國頓消鄉井念小堂新  
作畫圖看野人未納彭宣履獨向清谿把釣竿題西泠  
東城雜記

卷上

毛

振綺堂校刊

橋隱居云瘦木裁冠鶴筆輕十年塵土厭飄零小山舊  
隱雲封戶大藥新成月滿庭丹井夜交龍虎氣碧霄春  
躡鳳皇翎西風客舍炎歊淨擬讀琴心內景經西湖竹  
枝云水長西湖一尺過湖頭狂客柰愁何鯉魚吹浪楊  
花落聽得鶻聲歸思多

又

前錄葉居仲詩近借得明杭前輩徐伯齡延之號籜冠  
者所著蟬精雋於四明范氏之天一閣中載葉龍谿詩  
云龍谿葉廣居字居仲號自得宋文康公六世孫兩窗  
居士伯遜志信之孫也嘗擬黃庭經贈醫師方氏云我

有中庭元元根總攝百氣超乾坤嘘吸日月通崑崙萬  
神寂寞絲絲存中有一物光燉燉化爲真人朱冠禪手  
執赤符如瓊璫是中實爲玄牝門三彭潛伏守其闔峯  
名天柱五岳尊千巖萬壑手可捫南離北坎無衝奔黃  
媪爲媒掌其婚是中有語約不煩子能守之可與論慎  
勿適越北其轅伏其廬內尋其源方君之居近五雲幽  
闕夜間常氤氳放之六合空無垠下視濁世癡癩繁以  
妄易妄何紛紜鍼砭可磨艾可焚熊經止與佗扁倫聞  
闔朝啟覲軒轅萋萋玉帛臨邱園雨晴偶成云白苧衣  
裳冰雪容沈郎多病怯東風陽城久拙征科政尹鐸新  
東城雜記

卷上

天

振綺堂校刊

成保障功滄海樓船何渺渺崆峒小麥自芄芄腐儒自  
笑憂時切屢過田翁問歲豐題宋徽宗墨竹云承平天  
子玉爲顏良嶽秋風竹淚斑丹鳳不歸雲萬里空留翠  
影落人間又回文詩云紅燭淚銷香篆小扇羅如月晚  
庭空風簾繡卷初醒酒靜院涼生水閣東書李博士扇  
云水晶宮裏樹毵毵亂後情懷百不堪便面谿山寧得  
似滿汀煙雨夢江南

金中丞別業

金學曾字子魯號省吾仁和人隆慶戊辰進士初授工  
曹旋擢楚學使時江陵奪情起視事言者且得罪公致

書政府中有不顧綱常廢斥正人之語辭指激切江陵子入試公置不錄旣而分守湖南道攝臬篆歲方大饑公賑恤多方兼封大戶倉平價以糶民賴以活者甚衆直指某希江陵意疏劾公鑄三級遂罷歸結孤山吟社有終焉之志江陵歿起用撫八閩數年以老乞休年七十九卒今東城土橋畔公別業在焉里人尚目爲金衙莊也公常爲太夫人造望江樓極高風帆沙鳥在闌檻間兼擅水木之勝窈窕明靚遠隔市囂矣

圓魚大士像

閩人何玉長壁客杭適金中丞家招宴過之庖人烹圓

東城雜記

卷上

无 振綺堂校刊

魚旣熟剖之見一肉觀世音首戴巾帔象白衣妝飾眉目衣褶皆如畫右手下垂左手中按足踏芙蕖一朵座客無不驚惋遂命覆羹見錢希言猶園

臯園

臯園在城東隅清泰門稍北少司農嚴顥亭先生所築卽割金中丞別業之半中有梧月樓滄浪書屋跨谿小太湖墨琴堂綠雪軒芙蓉城怡雲亭諸勝脩竹一林平山一簣蒹葭楊柳菴岸被涯引外沙河之流從水門穿塹入園中流經亭閣間東而爲澗展而爲沼縠紋鏡光隨風日波蕩復注籬外長溝以達於東河倚杖閒聽潺

溪有聲城市所無也諸虎男匡鼎與先生書云臯園眞  
異境也翠竹翛然古梅澹冶窗前流水時雜桃花傑閣  
憑虛湖山秀映先生奉太夫人娛老其中又何異安仁  
之卜居洛渙萊子之奉水蒙山耶先生有經世之才寄  
意每在山澤官都諫以憂歸日相羊其中與汪憺漪淇  
書云近匿迹東城苦謝酬應古樹當軒流泉繞戶覺十  
餘年墮落餘生稍稍有清閒之樂何日策杖荒途一罄  
疇昔乎宣城施尚白閨章同宋荔裳琬集臯園詩云阻  
隔歲將晏齒髮交積侵見君復銜恤隕涕霑衣襟踟躕  
展燕婉別墅延登臨回谿貫湖水近圃緬邱林參差梧  
東城雜記

卷上

三

振綺堂校刊

竹秀凌亂荷葦深微雨緩良宴故歡感夙心疇昔在京  
洛七子相追尋惓惓古人義忼慨揚清音浮雲倏飄散  
天路殊飛沈英華易凋落煩憂故難任相顧各歎息嘉  
會方在今各勉歲寒意無事徒悲吟及其歿於京邸也  
徐華徵鄴挽以絕句云卜築東臯闢草堂城隅樓角望  
蒼蒼清秋風景朱門客他日登臨憶侍郎卽謂此園也  
先生名沆字子餐餘杭人家錢塘順治乙未進士父忍  
公三嚴先生之仲氏也

葯園送春句

葯園在東城隅與臯園相望明季吳文學我匏名溢構

軒檻虛敞竹木蕭森玉照堂前玉蘭一株大可數抱高  
花如雪蓋百餘年物康熙中蕭山毛西河太史奇齡與  
吾杭諸名士於立夏前一日集此作送春詩時橐筆數  
十人多有佳句末坐錢景舒臬年最少獨集唐二首其  
一三四用王建杜甫句每度暗來還暗去暫時相賞莫  
相違其二五六用翁綬白居易句百年莫惜千回醉一  
歲惟殘半日春太史極賞歎之錄入西河詩話

### 長明寺

清泰門內長明寺宋開寶四年錢忠懿王建名法燈治  
平二年改今名明萬歷間西竺宗公建華嚴閣庀八十  
東坡雜記

### 卷上

三

振綺堂校刊

一卷真經於上請四明李次公麟畫祖堂百像行筆顛  
掣衣紋如蓴菜條樹石雲泉勢極飛動錫盞餅笠經函  
坐具之屬種種奇古而唐梵相無一同者寺僧至今護  
惜之每上元前數日陳設齋供遊人登閣瞻禮者踵相  
接焉夢梁錄云仲春十五日花朝節崇新門外長明寺  
建涅槃會羅列幡幢香花挂名賢書畫設珍異玩具莊  
嚴道場觀者紛集此亦南渡之遺風也

### 貫休十六羅漢始末

城東長明寺向藏有唐高僧貫休畫羅漢十六幀并出  
山大士像一幀其羅漢題款云信州懷玉山十六羅漢

廣明初於登高和安送十身乾寧初孟冬廿三日於江陵再續前十本相去已十六年時景昭禪人自北來見請當年將歸懷玉西岳僧貫休作字爲小篆體其畫法之奇逸飛動向讀歐陽炯長歌歎其妙絕如聽經弟子擬聞聲瞌睡山童如有夢繩穿木屐兩三片線補衲衣千萬行今始親見之也相傳明神宗時慈聖太后以賜紫柏大師大師坐妖書事於獄中示化此畫歸法嗣某流轉至杭藏一小庵 本朝嚴侍郎沆盧職方之頤共捐千金購得喜捨寺中有年矣

世宗憲皇帝初年 敕改西湖行殿爲聖因寺制府李

東城雜記

卷上

三

振綺堂校刊

敏達公衛請至聖因永充供養予按宋趙希鵠洞天清錄云信州懷玉山有畫羅漢郡中每迎請祈雨常有一二身飛還寺中卽此畫也其靈異又有如此者

蛇鬪

康熙初東河之新橋柱下忽出兩蛇相鬪移時不解觀者漸衆橋忽崩壞壓而斃者數十人傷者數人蛇亦不見

魏德剛

元末魏德剛家東城辟臨安學官受春秋學於應之邵之邵歿復學於楊廉夫著春秋左氏傳類編凡十二卷



廉夫爲之序曰三傳有功於聖經者首推左氏以其所載先經而始事後經以終義聖人之經斷也左氏之傳案也欲觀經之所斷必求傳之所紀事之本末而後是非見褒貶得也然考經者欲於寸晷之際會其事之本末不無繙閱之厭於是類編者出焉鉅鹿魏生德剛初受春秋經學於應君之邵應君歿又執經於吾吾於三傳有所考索必生焉是資其暇日以左氏所記本末不相貫穿者每一事各爲始終而類編之名曰春秋左氏傳類編昔鐸椒虞卿輩各作左氏鈔撮其書蓋約言之編耳未知求經統要也生之是編豈鈔撮可以較小大

東城雜記

卷上

三

振綺堂校刊

名亦幾湮滅矣

### 東里草堂

元至正間有王維賢者隱居嗜古所交多勝友築東里草堂於城東張光弼題詩云周遭多是及肩牆馬過猶知舊草堂苔徑雨晴胡蝶亂藥闌風煥牡丹香詩篇未覺爲時重杯酒能留共日長豈是輞川無作者卻同裴迪賦山莊廣陵成原常廷珪亦留題云平安一橋吾舊遊君屋乃在橋東頭晚山得月更宜酒春水到門還放舟太守詩成寫素壁老夫興發思滄洲淮南叢桂不得往撫卷因之生遠愁時原常蓋避地南遊與之交云又

### 東城雜記

#### 卷上

三  
振綺堂校刊

題維賢所藏盛子昭雙松繫舟圖云雲門寺前風物幽布鞵青鞵吾昔遊葫蘆盛酒待明月舴艋載琴當上流長松竝立幾千尺狂客一別三十秋何當挂席過湖去東里草堂姑少畱雲門寺在越凡過客之由杭東渡者必於斷河平安一橋登陸古人詩語無虛設如此湖謂鏡湖也

### 東城乞士

明季許元孝光禱靈長光祚雁行也靈長有書名結體微熟元孝蕭然人外愛談名理著教典疏意一卷自署曰東城乞士今藏吾友丁敬身敬齋中按梵語比正此

云乞士

芝蘭室圖

元時錢塘高僧古林昌公幼祝髮於寶石山戒律精嚴  
智慧明了曾分淨慈之半席晚年築室於城東偏移植  
紫蘭列樹蘭蓀倚檻則清心濯目憑軒則衣芳佩馨於  
是王叔明蒙爲芝蘭室圖并作記俞子中和爲之書一  
時題詠者頗衆蒲庵釋來復云不著維摩師子牀芝蘭  
爲友產清香商巖采到連莖瑞楚畹移來奕葉光春雨  
苾芻還竝秀曉風蒼荀每同芳也知臭味通玄化物我  
冥觀與世忘臨川危太樸素云築室古城曲樹此蘭與  
東城雜記

卷上

三

振綺堂校刊

芝異芳間奇石宛有山林姿芝蘭日長茂離披滿前墀  
綠葉泣朝露五色含晴暉道人方燕坐境寂神不馳色  
香了無取眼鼻忽若遺嗟予老京洛無地結茅茨浩歌  
望江水白雲有餘思南屏山人釋夷簡云不以芝療飢  
豈用蘭爲佩芝秀蘭自馨植此一室內道人結習盡與  
物了無礙白晝敞禪扉羣峯遠相對始豐徐大章一夔  
云草中惟有芝蘭好不數宜男指佞賢近喜亦從蕭寺  
種誰云獨許謝庭專尋常道氣畱君子窈窕風姿媚佛  
天何用梅檀林下住只將瀟灑度年年白雲峯釋如蘭  
云芝蘭百本繞階墀晔晔瓊英間玉蕤楚畹風光搖綠

葉漢廷春雨長銅池香飄衣袂堪紉佩味入齋廚足療  
飢謝氏芳華歸寶石封胡羯末宛同時錢塘白以中范

杭州府志白范字以中號西塘錢塘人御選云禪局  
明詩姓名壽里考朱彝尊明詩綜俱云山陰人

閉幽寂石色生清芬奇葩雜芳樹藹然祇園春如何尋  
丈間迴與人寰分聲聞已知妄色相原非真兀以甘露  
枝淨灑濁世塵餘芳儻可卽相從問正因京兆宇文子  
貞公諒云紫芝采爲食幽蘭紉作佩聊復助熏修庶幾  
堪傲世一室靜生香諸塵自融會蒲團禪燕餘經卷了  
空外嗒然吾我忘誰云有三際金華宋仲珩璵云隱居  
結蓮社地僻無人聲瑤草穿階綠幽蘭入夢清吟詩憐  
東城雜記

卷上

美 振綺堂校刊

楚澤分坐憶南屏色映千華偈香同九畹英何當風月  
下相對說無生此圖曾錄入汪玉水研玉珊瑚網中

土橋

土橋在新壩之左近慶春水門通外沙河之流湯堯文  
煥土橋縱步詩云徑以城隅僻人因靜裏過敲門遙問  
竹埽石近侵莎堯文號鄰初道人仁和人中隆慶庚午  
鄉試官贛州府同知有書名

蓬庵

湯之奇字稚常錢塘人少穎悟四歲就外傳讀書目數  
行下比一年卽能振筆作文語多奇峭不襲前人長者

咸驚異之萬歷戊午舉鄉試後官太平府同知兼署江  
防事時流寇蹂躪梁豫間於是設方略擒其渠魁餘衆  
遂解散督上下江糧餉所過立辦兵食以濟尋擢江西  
瑞州知府未至官遭母喪歸閉門謝客大吏疏薦堅以  
疾辭因築室東園名曰蓬庵讀書灌畦竝課其子姓著  
有蓬庵類稿西厓少宰右曾其文孫也

新壩

慶春水門明時以東郊地僻鹽徒闖入不可禁奉旨久  
塞虞司勳淳熙卜居於是門近土橋不通舟因佃爲放  
生處諸仁者競載魚鼈羸蚌之屬來在藻於物可千萬  
東城雜記 卷上  
三 振綺堂校刊  
億命也萬歷中賈豎欲奪會安壩曳木之利揚言慶春  
入巽水主大吉賄有司啟水門築壩曰新壩是年司勳  
敗官中丞直指兩臺皆中誣去里中自是無富民詳見  
司勳壩務山館集

惲壽平詩

惲壽平寓杭日有在東園東毛稚黃詩云海雲茫茫春  
霰斷柳絲綠徧寒江岸細網幽窗竹煙亂山桃海棠落  
將半鳥聲過殘雨蘭風細吹案我思在空谷我夢屬雲  
漢珩璧只獨照錦衾空宵爛飛花濛濛還坐歎江郎操  
筆不在腕石泉水芹泛谿館柳下無人待誰鍛風致俊

逸可以奪昌谷玉谿之席矣


東城雜記

卷上

三

振綺堂校刊

東城雜記卷上



東城雜記卷下

錢塘厲 鷓太鴻

雲泉題詠序

元初虎林城東徐文雋字如心扁其書屋曰雲泉紫陽方萬里回爲雲泉題詠序云有天地然後生萬物故易有乾坤之卦而繼之以六坎之卦以天一生水而潤萬物者莫潤乎水天地雖生萬物非水則莫生也然則六坎之卦以屯蒙需次乾坤何也凡有坎之卦皆取象於水而屯需之坎取象爲雲蒙之坎取象爲泉又何也天之始生物也猶上雲下雷而爲雨物於是芽苗於冥昧

東城雜記

卷下

一 振綺堂校刊

故曰屯以次乾而坎爲雲天地之既生物也猶泉之初泄於山物於是幼穉而未壯長則不可無所養故曰蒙以次屯而坎爲泉物屯而亨蒙而養待其成而已故曰需以次蒙而坎又爲雲此天地之屯也天地之蒙也天地之需也聖賢者出亨物之屯養物之蒙始也無所不用其力以需夫各正性命之定則終也無所容其力今之學者亦嘗讀易而知之否乎虎林城東徐如心偕鄰友童汝舟來謁謂其讀書之室扁曰雲泉老於風騷者爭賦之予以爲斯友也年始二十有七自芽苗幼穉而壯長者也其亦嘗次序屯蒙需三卦之坎而玩之否乎



聖人所以不曰水而曰雲曰泉何也水之始初爲雲爲泉學者不慎其始初聽其流注散漫爲渺茫無畔岸之水可乎何謂經何謂綸何謂果行何謂育德亨已亨人養已養人此感彼應姑少需之飲食宴樂亦非流連荒亡之謂也是爲雲泉題詠序右文見桐江續集四十五卷

徐茂吳

徐桂字茂吳餘杭人中萬歷丁丑進士授袁州推官守正不阿失上官指投劾歸僦居杭城之東隅地幽僻擅池亭竹木之勝多蓄彝鼎書畫日婆娑其中有潔癖客東城雜記

卷下

二 振綺堂校刊

過者先使人覘冠服鮮楚方與接對人以是怪之與馮開之夢禎屠長卿隆同榜皆罷官家居扁舟雙屐往來吳越間著有大滌山人集送義公結廬天台云海上海樓禪境披雲訪石橋一餅依澗壑疏磬落山椒華頂經年雪松門半夜潮預愁支遁去誰與共逍遙朱竹垞前輩錄入明詩綜格調誠清拔也

馬婆巷

元奉化戴帥初戊戌清明杭邸坐雪絕句云思鄉處處只愁生正好春遊又不晴雪是梨花雲是柳馬婆巷口過清明按巷爲宋舊名今俗呼馬坡近東花園爲上馬

坡北抵清泰門爲下馬坡用之入詩頓饒雅韻

### 虞長孺僧孺

萬歷中里人虞司勳長孺以文字爲佛事碑版疏頌照耀東城長明蓮居二禪窟貞石猶存其弟僧孺淳貞終身不娶結廬靈隱寺側名後狄居役使僅一老僕又建八角團瓢於每角藏書上有樓可眺遠馮祭酒夢禎嘗曰於陵仲子猶餘辟纒之妻僧孺足稱今之逸士矣

### 城曲茅堂

藍瑛字田叔杭人善畫山水知名於時家東城自號東臯蜨叟又號東郭老農榜所居曰城曲茅堂子深字謝東城雜記

卷下

三 振綺堂校刊

青爲諸生亦以畫名龔蘅圃翔麟城曲茅堂感舊詩云他年文酒地腹痛此停軒病葉黃堆徑寒流綠映門斯人不可作茅屋至今存但有空梁燕喃喃對客喧

### 胡涓涓

胡守乾字涓涓臨清人父尚英明神廟末進士官翰苑以忤魏璫削籍歸思陵立召用至宮詹學士而卒守乾外家本杭人也母攜之居杭十餘年家益困乏賣卜於城東市中得百錢輒下簾事吟詠人不知其貴公子也西湖竹枝云長絲成匹竟難裁傳語渠儂莫見猜春日未能尋藕去炎天那得見蓮來是亦不失鐵史遺音者

月中人

馮開之快雪堂集云虞長孺祖母今年八十一矣嘗云  
年三四十時秋夜露坐庭中見有三人挨月而過異之  
急呼長孺伯母同觀伯母出遲僅見其二須臾盡八月  
中矣親語陳季象爲予述之

蘭菊草堂

徐子貞元末隱居城東號匏瓜道人洪武初仕爲潭府  
典寶正所居曰蘭菊草堂天台徐一夔爲之記云錢塘  
徐子貞甫廉介有雅操築草堂於城東隅不蒔他物獨  
蒔蘭與菊而日循行其間客或見之曰子愛此耶子貞

東城雜記

卷下

四

振綺堂校刊

曰吾愛其與吾性合爾旣而大書蘭菊草堂四字而請  
予記蓋蘭之爲物生於澗谷深絕之地人雖不采而清  
芬細馥灑灑然於風露之下有不求媚於人之意焉菊  
之爲物發於卉木凋落之後時雖孳斂而幽姿雅豔采  
采然在風霜之表有不爭妍於時之意焉之二物者有  
道之士所不棄也方子貞隱處時人見其戀嫪此二物  
不置固曰其性然爾而不知其見於用者何如也及遭  
紉新之朝盡起天下之遺逸而用之子貞起自草堂得  
以才行選爲親王官屬趨蹌王庭一以直道自持如蘭  
之不求媚於人菊之不爭妍於時爲王所禮貌所謂國

有道不變塞焉者蓋如此詩曰維其有之是以似之豈不信然子貞之所守可謂不媿蘭菊矣因筆之爲記張光弼爲子貞賦匏瓜道人云吾豈匏瓜繫此生道人玩世以爲名百年雨露司榮悴一日江湖見老成漢落情懷莊子瓠浮沈蹤跡楚王萍壺公借與龍爲杖拌著青鞵到處行

### 徐鏡非

徐行恕字鏡非茂吳司李之姪也世以易名家中萬歷癸卯浙江鄉試嘗爲德安縣令鼎革後杜門不出與嚴印持張卿子稱城東三高士詹去矜鍾玉贈之詩云徐

東城雜記

卷下

五

振綺堂校刊

令本廉吏高擬陶彭澤早歲擅時名垂老厭兵革晦迹城東隅蕭然半畝宅茶人夙自署茗盃供朝夕健兒不敢窺閉門無俗客擾擾市朝間世眼徒青白張卿子過徐鏡非閒坐詩云朋舊今無幾所忻俱老翁累因遺嗣少閒賴一官窮每過寒齋雨共聽秋樹風商山多翼贊吾願采薇終

### 鍾紹京書

鍾紹京書五帝六甲經後有倪雲林跋尾明時藏徐茂吳齋中近閱沈景倩德符野獲編云本高瑞南家物後歸徐司李近聞爲徽人厚募篡去直是許高陽女賣嫁

蠻酋不止昭君和戎已也

### 半畝居

半畝居一名孝慈庵近艮山門城東隅順治初里中周氏子兄弟出家奉母於此中有放生池積水深淨風篁繞戶人迹罕到真憩寂地也很亭禪師淨挺夜過半畝居詩云夜色滿城隈一鐙懸古屋平郊逗微茫疏星澹幽獨梵唄雜鐘魚琅琅振林木抱甕此灌園何必異深谷俛仰與蓋寬閒情自足分坐成主賓阿閔及金粟偃亭爲仁和徐繼恩字世臣明季壬午貢生晚薙染於河渚著有谿流文字

東城雜記

卷下

六

振綺堂校刊

### 委順齋

元時杭之城東隅有鄭處士號虛原年八十餘研極乎漆園之旨名其燕處室曰委順齋楊廉夫爲之記文見東維子集多譌脫故不錄

### 鍾馗圖

鄭虛原家藏鍾馗圖爲舊人筆至正甲辰春以贈海虞曹立立跋云先君昔遊錢塘觀此卷於鄭虛原翁處歎其瓌怪幽眇曲盡鬼物之情狀鄭君欲以相遺先君亦不之請也後先君歿六年立至杭謁鄭君於棲遯之室情意款洽撫問存歿不勝惻愴因出此卷歸之且曰而

翁之夙好也吁鄭君護持此卷於兵火艱棘之中以先君有屬愛之心不以畀人而有所待一旦識子爲故人之子卒能授之其亦庶幾延陵氏脫劍之意乎卷中題者四人馮海粟子振詩云老燿兀輿二鬼肩一鬼勃窣袋影懸一鬼負劍帽帶旃一鬼頂顱雙角駢老燿之婦輿蹠蹠其荷輿者鬼婢虔貓抱掌握鬼妾妍提其籛具雌袂玄攜枕而從服飾鮮鼠蠟黏綴袴亦然擎擔最緩行李便鬼之嬰孺盛穿聯囊包橐裏琴能仙瓠壺穹挂吁可憐揭竿之魅愁攀緣最後甕鬼束縛椽尸而行者猶能前肌肉消盡骨骼纏物怪種種來無邊神禹鑄鼎

東城雜記

卷下

七 振綺堂校刊

今幾年罔兩在此猶翩翩吁嗟吁嗟問老天不惟詩畫奇絕而鄭君之友道有足取焉

### 洪稗畦

洪昉思昇號稗畦居東里之慶春門少負才名尤工院本南北曲以國子生遊都門暇取唐人長恨歌事作長生殿傳奇一時鉤欄競鈔習之會 國忌止樂貴人邸第有演此者爲言官所劾諸人罷職昉思遂歸山左趙宮贊執信亦在謫中趙嘗有絕句云牢落周郎發興新管絃長對自由身早知才地宜江海不道清歌誤卻人蓋自悲也朱檢討鼻尊酬洪昇詩云金臺酒坐擘紅箋

雲散星離又十年海內詩家洪玉父禁中樂府柳屯田  
梧桐夜雨詞悽絕惹苴明珠謗偶然白髮相逢豈容易  
津頭且纜下河船元人白仁甫有梧桐雨雜劇亦寫雨  
淋鈴一曲用事可謂工切昉思後溺於烏鎮王司寇士  
禎挽詩云送爾前谿去棲遲歲月多菟裘終未卜魚腹  
恨如何采隱懷茗雪招魂弔汨羅新詞傳樂部猶聽雪  
兒歌中年欲卜居武康山中不果所著稗畦詩集清整  
有大歷間風格嘗有林月前後入谿花冬夏開之句世  
但豔稱其曲子耳

芸隱橫舟

東城雜記

卷下

八

振綺堂校刊

城東清泰門宋之崇新門也舊在東河之西河流繞城  
而轉過東新關達於臨平抵長安堰近城河千宋有船  
官廨嘉熙中施知言樞嘗爲是職有題廨宇詩云合是  
清谿近處居在官卻與在家如柳風拂岸時鳴櫓梅月  
橫窗夜讀書休閒舟閒無喚渡須知水到自成渠俸錢  
已足供薪粒比著簞瓢儘有餘樞自序其集曰丙申冬  
趨浙漕舟官戍小廨泊崇新門外傍河依柳髣髴家居  
剡剡之餘時作一二解殊自適先正詩云野水無人渡  
孤舟盡日橫與樞官業偶同遂命曰芸隱橫舟橐

潮鳴寺

城東潮鳴寺故爲梁貞明中建名歸德院後宋高宗會  
駐蹕聞濤聲賜今名高宗御書蘇詩賜殿前統制劉漢  
臣咸淳臨安志云書古詩立石東廡者是也吳伯霖之  
鯨以詩爲高宗作載之武林梵刹志誤矣李君實日華  
六研齋筆記云武林潮鳴寺有宋思陵賜統制劉漢臣  
詩野寺參差落漲痕疏林敲倒出霜根扁舟一櫂向何  
處家在江南黃葉村此蘇子瞻詩也第二字是水字今  
改寺字遂掩而有之思陵博雅斷不如是當由偶在寺  
中書之賜劉寺僧欲假以爲重改字勒石以侈榮觀耳  
觀此則宋時原刻後明時又有改字之刻今寺見於火  
東城雜記

卷下

九 振綺堂校刊

并改字之刻亦亡矣

紅亭醋庫

咸淳臨安志紅亭醋庫在菜市橋東街南面北今名醋  
坊巷宋時酒醋皆官庫醞造納緡錢於戶部臨安有醋  
庫十二此其一也莊季裕綽雞肋編載建炎後俚語云  
欲得官殺人放火受招安欲得富趕著行在發酒醋蓋  
宋自王安石設法賣酒并醋亦權之南渡後軍興百費  
浩繁遂不能革旣禁私造其直必昂遂有因此致富者  
矣

織成十景圖

東道壯志  
庫一十八層  
在府城外



杭東城機杼之聲比戶相聞郎仁寶云起於褚河南九世孫載善織作綾錦今褚家塘通聖土神是也其中一二供尚衣之匠花樣有爲西湖十景全圖者秀水朱稼翁稻孫武林恭紀詩云十樣西湖景曾看上畫衣新圖行殿好試織九張機

### 蘭芳軒

貝清江瓊蘭芳軒記云永嘉李至剛氏僑居錢塘城東闢室爲遊息之所樹蘭其前額曰蘭芳軒間求予作記按蘭與澤蘭類紫莖赤節葉銳而長古人恆刈而佩之劉次莊之註已詳而黃太史又以一幹一花爲蘭一幹東城雜記

### 卷下

十 振綺堂校刊

數花爲蕙朱子從而辨之且言今所見者花雖有香而葉無氣非可刈而佩者然亦不知古人所指何物也由是觀之天下之物其芳至槁而不變者莫過於蘭而楚屈原著離騷以見志舉而稱之者不一則原之守比蘭之芳已故其好修自潔而朝夕不倦也則曰予旣滋蘭之九畹兮又樹蕙之百畝及時俗之好讒而惡直不能容也則曰戶服艾以盈要兮謂幽蘭其不可佩夫蘭別於衆草故不與時俱化而獨芳君子別於小人故不與俗俱遷而獨立使俱化而俱遷則芳委於臭腐而美淪於淫僻矣至剛之託乎蘭其亦有原之志哉予聞至剛

蓋五峯先生之從子弟蚤有氣節嘗從武夷杜君清碧遊二十餘年渡江而北涉黃河覽太華客寄京師落魄不偶而南歸吳門一時將相皆欲屈而致之幕府至剛弗屑也然不能不病蘭之弗艾若矣吁蘭之香小夫孺子能知之至剛能不失其守如蘭芳之不變予知必擢於等夷而蜚聲天衢也於是乎書按珊瑚網題趙子固水仙卷云天台李至剛又有李至剛名綱以字行華亭人洪武中舉明經試禮部郎中出爲河南布政司參議永樂間仕至禮部尚書解縉沮上立漢庶人高煦至剛黨高煦以譖縉上震怒逮縉下詔獄死見明閣學記蓋傾險之流也其僑居錢塘者當別是一人

### 回龍橋

明仁和沈通判懋德儀兩湖塵談云郡城東潮鳴寺門徑西臨通衢其東南北三面皆水水之外皆菜畦而寺獨踞其中竹樹幽茂人迹罕到儼然一山林也詢之僧云寺舊名歸德南宋高宗駕幸至此聞潮聲而回因易今名今寺後有小橋曰回龍卽當時旋駕處也按臨安志菜市橋之西爲東青門寺當在城外其迤東十數里則江塘也故潮聲可聞至於今日則城郭一變與曩者不類矣沈公爲少司寇銳子正德己卯舉於鄉嘉靖中

### 卷下

十一

振綺堂校刊

仕至惠州通判今去沈公又二百餘年此橋尚存跨荒溝上僅一石杠耳

### 沈柳亭

沈豐垣字適聲號柳亭仁和人少爲諸生學於臨平沈去矜最工爲詞纏綿處似柳屯田清穩處似趙仙源至不肯上鞦韆爲怕東牆近之句雖古人無以過之也嘗愛東城之幽曠因卜居焉賦一萼紅云近城隅有千竿脩竹正好結吾廬試蓄水成池鉏泥作圃添栽幾種嘉蔬將怪石圍成曲徑映藥闌深處獨蕭疏蓮子生花蜂兒釀蜜快意何如最喜繁喧迴絕交情冷落細閱圖書東城雜記

### 卷下

三

振綺堂校刊

幾陣風來一番雨過苔痕綠徧階除此際長容高臥更何勞惆悵憶黃虞睡起閒消茗盃自許清臞

### 靈芝寺

靈芝崇福律寺在城東清泰門內稍南俗稱蠟燭庵吳伯霖武林梵刹志云唐貞觀間郡人施光慶捨宅建名實際院元季燬元統間僧妙通重建竟不詳改額靈芝始末考咸淳臨安志城東無靈芝寺并無實際院但有寶積院天福七年施光慶捨宅建舊名崇福後改今名紹興十五年以其地爲駝坊象院明夏時正杭州志靈芝寺本在湧金門外錢王故苑芝生其間捨以爲寺故

名靈芝高宗孝宗凡四臨幸有浮碧軒依光堂亦爲新  
進士會拜題名之所元季燬移建城東合觀二書則寺  
卽湖上故迹元統中始徙於廢駝坊象院仍合靈芝崇  
福爲額而實際乃寶積之譌貞觀乃天福之謬不然豈  
有兩施光慶捨宅乎宋大智元照律師字湛然餘杭唐  
氏子博究羣宗以律爲本嘗著布伽梨杖錫乞食於市  
楊次公傑贊之曰持益出持益歸佛心常在四威儀初  
入廬時人不識虛空自有鬼神知居靈芝三十年從遊  
嘗五百衆政和六年示寂塔全身於寺西北明正統間  
徵杭州靈芝寺僧智淳說戒開壇爲天下傳戒宗師乙

東城雜記

卷下

三

振綺堂校刊

亥年舜朝沐浴而化上遣禮部趙勛諭祭智淳曰爾夙  
悟善緣堅持梵行適膺榮命爲釋宗師方闡法音導人  
爲善俟爾示寂良可悼嗟靈其如存服茲諭祭自元照  
以來爲律宗焉郡人陸拒石繁昭募重建靈芝寺疏略  
云靈芝寺者乃兩浙之名基錢塘之靈陞聿開太平之  
歲重興元統之年椒房桂殿翻作禪宮太液昆明俄成  
寶筏節庵修三藏之書純一較五雲之典建章宮裏坐  
是蓮花華林苑中塵成白玉片蘆北渡半偈以解萬緣  
一錫南飛三年而化諸品遂乃橫開銀闕高峙瓊樓蕉  
葉火珠繚繞露槃之塔陽烏陰兔回翔方丈之池法鼓

雷鳴天香霧積信可以跨鳳山之仙境軼蓬島之香城者矣

### 備萬齋

元貢師泰字泰甫寧國路宣城縣人翰林學士諡文靖雲林先生奎之次子也泰定元年中江浙鄉試至正十五年除平江路總管甫踰月張士誠以高郵兵至城陷官屬潰散乃懷印綬避居吳淞江上十七年抱印納於浙省隱於杭之西山浙省丞相達識帖睦迺起之曰君之守平江也在官未三十日人心未孚且握兵扞患自有省臣在非君之過也卽以便宜授兩浙轉運使次年

東城雜記

卷下

西

振綺堂校刊

遷江浙參政居杭州作備萬齋并爲記云出杭州新門東北二百步又東折入委巷有屋四楹在敗垣廢圃間蒿萊不除問之徐氏業也遂傭其半苴漏補罅移木牀瓦竈就居之四壁空無長物因大書備萬二字於其顏或過而問曰飲食以備飢渴裘葛以備寒暑僕御以備使令子今無一物之備何謂備萬耶吾知子之不爲是也豈嘗有見於孟氏萬物皆備於我之言之意哉予乃笑而答曰吾亦知我之不爲是也夫我於天地間亦萬物之一也以一較萬其猶稊米之於太倉乎以萬歸一其猶太倉之於稊米乎故凡形色之可接者聲音之可

求者氣類之可感者其數無窮也其變莫測也固非一身之所能備也而不知自物觀物則物物也物且萬萬也自我觀物則物豈外我一身哉且人也物也同得陰陽五行之氣以成形也亦同得陰陽五行之理以爲性也何其正通偏塞之不同耶蓋知覺運動之蠢然者物與人固無異也仁義禮智之粹然者人與物果無異乎是以散之爲萬殊斂之爲一理以一貫萬其所以爲備也亦大矣雖然體之而不實則羣疑之起足以害吾道行之而非恕則一念之私足以戕吾仁若然則一自一烏乎萬萬自萬烏乎一非知道者其孰能與於此客唯

東城雜記

卷下

五 振綺堂校刊

而退遂書以爲記後歷官禮部尚書祕書監卿公嘗揭先天六十四卦圓圖於壁而虛其中禮部員外郎程以文文名之曰玩齋故學者皆稱爲玩齋先生云

成黃門

里中成黃門肇毅字而卓順治乙未進士官工科給事中有松江鎮帥馬逢知者初名進寶起家羣盜性貪橫自奉僭侈百姓殷實者械至倒懸以醋灌其鼻人不能堪無不傾其所有死者無算復廣占民廬縱兵四出劫掠官府不敢問時海寇未靖逢知密使往來江上之變先期約降要封王爵反形大露事定黃門特疏糾之

朝廷恐生他變下 溫旨徵入繫若盧妻女發配象奴  
未幾與二子伏鎖東市當逢知之入覲也寶貨二十餘  
舫他物不可勝計至是無一存者人皆快之

### 郎仁寶

郎瑛字仁寶正嘉中仁和諸生與馬浩瀾洪王天碧澄  
金玉泉珊王蔭伯一槐相友善居草橋門內景隆觀前  
自號草橋子博綜羣書恣意蒐討於進取泊如也有愛  
之者曰如後時何瑛曰吾已委身載籍矣當復與諸少  
年斷斷爭甲乙耶因作脾對以見志著七修類彙五十  
五卷行於世其中考訂精核間有紕繆然多舊聞逸事  
東城雜記

### 卷下

其

振綺堂校刊

與瞿宗吉佑歸田詩話徐延之伯齡蟬精雋吳錫用瓚  
武林紀事姜明叔南蓉塘詩話沈懋德儀兩湖塵談田  
子藝藝蘅畱青日札陳思貞師禪寄筆談竝稱吾鄉前  
輩著述之傳世者

### 姜西溟卜居

慈谿姜西溟宸英績學能古文辭書得晉人筆勢遊長  
安名動公卿間曾被薦以上舍生食七品俸與修明史  
及一統志康熙丁丑第三人及第入詞館苒苒老矣嘗  
與宗人約買錢塘東園屋將告歸遂初焉送項霜田浴  
歸杭州句云我愛東園宅繞池青琅玕主人有成券卜

居諒非難所願遂鄰竝非久同盤桓又送湯西厓編修  
移居句云一椽如可託準擬住錢塘其眷眷於東園如  
此後以科舉事累斃於貴人牢卜居之約徒成虛語惜  
哉

### 瓦子巷

瓦子鉤欄南宋在臨安有二十三處其在城東者新開  
門外新門瓦亦名四通館薦橋門瓦在崇新門外章家  
橋南菜市瓦在東青門外菜市橋南艮山門瓦在艮山  
門外瓦舍者謂來時瓦合出時瓦解之義紹興間殿帥  
楊和王因軍士多西北人是以城內外勅立瓦舍招集

東城雜記

卷下

七 振綺堂校刊

妓樂以爲軍士暇日嬉遊之地貴家子弟因此遊蕩破  
壞尤甚於汴都也諸妓如賽觀音孟家蟬吳憐兒等以  
色藝擅一時家甚華侈唐安安最號富盛又如金賽蘭  
范都宜倪都惜潘稱心呂雙雙胡憐憐沈盼盼普安安  
等皆以歌曲得名至唐安安理宗曾於元夕召入禁中  
潘稱心亦爲賈秋壑所狎君相荒縱如此欲不亡可得  
乎今遺迹皆不可考獨菜市橋瓦子巷其名猶存吳君  
特詠京市舞女玉樓春云茸茸狸帽遮梅額金蟬羅翦  
胡衫窄乘肩爭看小腰身倦態強隨閒鼓笛問稱家住  
城東陌欲買千金應不惜歸來困頓滯春眠猶夢婆婆娑



斜趁拍今則委巷蕭然知其事者亦鮮矣

### 庾園

沈香巖紹姬庾園紀勝詩序云余家東城橫河當雙橋之中門臨流水左帶巖城右環官市其北卽庾園也園爲從祖庾庵公所勗經始於順治丁酉歷七年而工始竣其中疊石爲山疏泉爲沼間以竹木錯以亭臺卽一花一草必使位置得宜詳略有法室宇落成少不當意卽毀而更張之鳩匠庀材糜以萬計園亭之盛甲於會城芳醞盈囷嘉賓滿座主人方秉燭夜遊樂以忘返予小子忝列羣從之末尚叨廣廈之被念山樹無盡臣縑

### 東城雜記

#### 卷下

六

振綺堂校刊

有窮雖殊墜天之憂敢忘履霜之戒猶恐曲終人散一時勝地湮沒不傳故不揣愚蒙援筆爲詩志其梗槩藏之櫝中未敢陳於諸大人之前也康熙二年九月庾園云千金疊一邱百金疏一壑泉石慘經營花葉紛相錯經春有餘妍淩霜無隕瘁一水懸樹杪三峯穿帷幕中有庾公樓飛梯連複閣書庫初落成酒池將次鑿魚鳥且無恙琴尊諒有託迎送不下牀賓至但酬酢玉津已邱墟蘭亭久寂寞盛事原不常俛仰幸無忤人生貴適意何爲自束縛行樂庶及時高懷寄寥廓東軒云步入庾園路三折到東軒已見山林志殊忘耳目喧紅蘂繞

曲砌青蘿被短垣果熟鳥窺徑雪銷人負暄多有問津  
徒一覺情易諛誰知機舟處未卽是桃源揖翠亭云茲  
亭猶未名姑字曰揖翠當前衆壑積倚檻羣峯對桂林  
繞其右筍園環其背芴有陸羽竈茶煙出垣內松風自  
相借寒濤響谿碓振衣登層樓睥睨窮萬態遙望湖上  
山晴霄潑濃黛雨氣多空濛雲氣常靉黪恍惚幾變遷  
因之生遠慨雪洞云複道何逶迤重門殊窅窳心曠境  
自寬地偏天遂小嚴冬不知寒虛明長達曉壁牀淨如  
拭殘夢方未了明月不成輪零星下林篠不聞人籟聲  
孤懷轉清悄樵城書屋云依山築土城蜿蜒入林麓高

東城雜記

卷下

九

振綺堂校刊

復增三版廣不踰十幅門設晝常關縱橫交曲木負郭  
屋數椽居然類盤谷松疏夏反寒桂深冬轉煥詎容長  
者車聊憩樵者足日暮負樵歸箐鐙還且讀臥雪閣云  
傑閣浮林端長共孤雲侶想與人境殊傲悅聞天語軋  
軋銀浦機丁丁桂窟杵六月生晝寒積雪徑尺許高臥  
絕塵纓誰當共爾汝玉玲瓏云縹緲玲瓏峯岩巖聳空  
碧石名玉玲瓏靈隱包園中物也高數丈大將軍從天  
十圍數百人挽之歷兩月餘始達庾園將軍從天  
下萬夫俱辟易掌嫌巨靈短腹笑伯仁窄色比芙蓉潤  
爛若鱗蝨蝕噌吰振洪鐘潺湲流素液大不如虎踞瘦  
不如熊立碁分復星布旅進若拱揖何時靈鷲山移向

此中植雜以丹青樹蒼崖翠欲滴紅梅發單瓣紅梅單瓣者不

易得素李垂蕢實蘭蕙叢其陰翳翳百鳥集興至時一登

攀蘿躡危壁晞髮平巒上箕踞石門側欲令衆山響呼

童取鐵笛瀑布云山陰何所有華宇結三楹素蛻凌空

來迢迢度簾旌危梁宜白石雪浪涌濤聲下有小龍湫

木葉不敢攖山川信天造孰謂人力營娛目極志意中

懷猶怳怳汲汲顧日影厭厭秉夜檠緬思爽鳩樂悠然

愴我情西圃云一徑直如髮遙遙復西去漸覺熱客疏

遂與老圃遇雙橋何陰森孤松自盤踞瓜韭三四畦棗

栗八九樹酒庫七楹足米廩十年貯行盡丁字廊別有

東城雜記 卷下 三 振綺堂校刊

齋心處歌吹杳不聞幽鳥自相語焚香埽一室塔焉澄

我慮肥甘豈不佳蔬果亦可茹竹因醉日移書爲愁來

著四序如轉風百年難暇豫高明神鬼瞰滿盈聖賢懼

悄悄懷殷憂深心託短句

### 半山園

沈秀巖半山園紀略詩序云半山當庾園之北兩園相

距才隔一巷耳若登庾園北樓望之林光巖翠襲人襟

帶間而鳥語花香固自引人入勝其東爲古華藏寺每

當黃昏人定之後五更雞唱之先水韻松聲亦時與斷

鼓零鐘相答響門署唐句曰橋通小市家林近山帶平

湖野寺連蓋實景也先是家從祖爲子弟謀下帷之所始闢其地堂無數仞山才一簣因蓄魚而鑿池偶結籬而護竹旣而踵事增華山日益高水日益深臺榭軒廊翬飛鳥革遂月異而歲不同矣夫土木之工興之甚易而節之甚難憶自甲辰經始以來歷今且數稔猶未罷役將復有事於雪堂其勢然也半山視庾園稍廣雖邃麗不及而疏落可喜頗有山林之致主人坐臥其中自課童僕十餘輩澆花薙草洗竹培松東山別墅仍開北海之尊南浦停雲舊是西園之客一時名士如吳慶百徐寶名家去矜初山諸先生凡遇宴集間出新裁然風

東城雜記

卷下

三

振綺堂校刊

人之旨揚挖爲多且卽就一時耳目所及徵歌紀勝未遑分題製詠煥若列眉予從諸父講業之暇遊詠其間值酒闌客散之時正琴靜塵閒之候往往登高寓目臨水送歸輒低回慨歎者久之因憶庾園疇昔之編復綴古體十三章更爲半山園臨一副本儻異日陵谷變遷或亦髣髴其大略焉時康熙庚戌仲冬下泮也深柳讀書堂云亭亭山際雲漠漠園中樹但聞讀書聲不見讀書處煙光浮遠碧晴空卷香絮一徑裊如螺試從此路去曲砌繞鷗波飛夢振鳳翥環視半山中茲堂獨雄踞鶴借流水閒花以回風聚春柳詎長青秋風毋乃遠願

得千丈繩爲我維義馭半山云石山做大癡土山臨小  
米兩山據東偏脣齒長相倚西北又一山遙隔煙林裏  
質之繪史中北苑差相似咄哉十畝園半爲山所峙園  
因以半名山亦以半字後山植如笏前山平如几俛几  
挹翠微拄笏看雲起宛然山中人豈復類城市城市與  
山林誰能辨彼此曲池云地卑易爲池取土列屏岫繡  
魚尾漸成回塘白石螿瀦水作綠波望之如鶯脰第惜  
荇藻肥翻覺芙蓉瘦有客抱琴來花邊了殘晝冷然拂  
素指潺潺響寒溜平山閣云池水清且漣倒影插虛閣  
仰視百尺雄巖巖勢如削恰與山樹平長借雲根拓拾

東城雜記

卷下

三

振綺堂校刊

級敢辭勞登眺殊不惡四望無遁景一覽窮邱壑東連  
給孤園風旛隔林薄微聞清梵聲名心頓蕭索西軒云  
回廊經北牖水檻倚南池冬日烘簾早春雲渡水遲奇  
峯列夏雲丹樹生秋姿客如落花聚晤言日在茲絲肉  
奏新聲松濤忽聞之憑軒攬西爽披襟當涼颺言將待  
明月休擲手中卮井字廊云西軒西復西廊形作井字  
買得馬塍花丹黃如列肆花繁徑逾窄風定香轉熾卽  
此井中天居然有殊致蘋繫齋名其形如舫云舟居不在水陸  
居不在屋一葦爲蘋繫宛然處林麓舟中何所載寥寥  
書幾簾舟中何所事丁丁碁一局布颿喜無恙櫂歌如

可續豈不懷五湖風濤苦翻覆春水偶到門秋山長滿  
目借問張子同何似林君復花深處云飛湍從北來經  
東復西注繞過竹盡頭流入花深處花深路紆折藥闌  
各回互蘇紅與歐碧高下若碁布伊蘭叢舞草佛桑倚  
鐵樹奇卉不可窮按譜率難賦翻笑陶家徑結籬環菊  
圃視此覺太疏吾心有餘慕水西閣云離離鶯粟畦池  
西有水榭縛竹爲槐栢參差若鱗亞危閣俛中流石梁  
互虛汨蘋風枕上回荷珠座中瀉稍與圖史親差喜人  
事謝客來偶問津彈碁消長夏團瓢云山中結團瓢宛  
然在中阿檝櫨施曲木石檻跨回渦上覆三重茅旁繞

東城雜記

卷下

三

振綺堂校刊

百尺蘿織蘆當簾箔遙睇如鳥窠夜火青瑠璃春草紫  
莫羅枕根鈔梵書丹青貌維摩平生愛禪寂晨夕時一  
過焦氏蝸牛廬邵家安樂窩廣廈非不處轉眼成風波  
吾將息我機保此良已多雪堂云雪堂雖未成其勢不  
容已衛聖久矣儲萊石今方砥虛廊積文杏舍芴除苦  
李昨聞徒鹿柴言將燬竹里俄驚椎鑿聲丁丁築素圮  
杞人一何愚中宵歎息起靈光旣已焚柏梁旋復圮否  
泰有乘除興此或廢彼人生百年中憂樂長相倚託諷  
諒無繇短歌聊用紀

玉玲瓏閣

玉玲瓏宋宣和花綱石也上有字紀歲月蒼潤嵌空叩  
之聲如雜佩本包涵所靈隱山莊舊物沈氏用百夫牽  
挽之力致之庾園後歸龔侍御翔麟因以名其閣焉侍  
御爲太常卿佳育子風流淹雅少日喜爲樂章出入梅  
谿白石諸公太常開藩江左署有瞻園禾中朱檢討彝  
尊李徵士良年上舍符沈明府暉日上舍岸登皆在賓  
榻酒闌棊罷相與唱和刻浙西六家詞行於時又屬王  
山人翬寫瞻園舊雨圖後以貢士起家歷郎署至南牀  
未幾罷歸貧甚至舉家食粥未嘗於監司郡邑有所干  
請士論高之晚年移家白洋池畔自號田居舊宅已易

東坡雜記

卷下

五

振綺堂校刊

主玉玲瓏之名終播於詞人傳之海內矣朱檢討寄侍  
御摸魚子詞云玉玲瓏閣前松石經過朱夏曾撫主人  
直待秋期近金粟滿庭香雨新樂府早和徧蕢洲笛譜  
篔房句謂周青士篔李分虎符也竹垞小住笑我若歸時畱君爛醉  
十日不教去西堂冷孔雀應凋錦羽鹿麕高下騰距紅  
泥亭子方池外深徑共誰延佇歲旣暮想皖口鱒魚又  
好霑犀箸粉雲風絮定吹到山樓叢梅凍雀把醜舊吟  
處

碧鳳堂

靈芝寺舊有碧鳳堂成化癸卯嘉禾姚公綬綬嘗寓其

中公綬辭官最早以山水翰墨爲娛嘗得錢舜舉山居圖卷後有張貞居雨仇山村遠顧玉山阿瑛鄭明德元祐楚石釋梵琦諸名勝題跋奇變之行笈必攜以自隨題其後云三日不展卷何異隔三秋今日一展之頓然銷百憂片紙與隻字古人尚見收矧茲美圖史契我山居幽林鳥當我唳石瀨當我流寄傲倚南窗濯足弄扁舟回視五陵內輕肥乃浮漚吾生寶此卷俛仰儘優游五月廿五日因訪韋庵廉使假榻於杭靈芝寺之碧鳳堂對雨無聊捉筆書此雲東逸史記前輩雅尚如此風致猶可想也

東城雜記

卷下

三

振綺堂校刊

陳御史玄倩

陳公潛夫字玄倩原名朱明後更今名錢塘人家城東之橫河橋家貧落魄好大言以賊俗崇禎丙子舉於鄉以社事與友人陸培不合培兄弟爲文逐潛夫潛夫乃避居華亭癸未冬授開封府推官時流寇猖獗大河以南南郡邑皆不守賊署僞官數十人守之所在豪傑各據寨自保公下車後親歷戎行倡義聯絡樂附者衆於是軍聲大振明年燕都陷愍帝身殉社稷公令三軍縞素出師擒斬僞官走僞撫梁啟隆邀敗賊將陳德於柳園沿河數百里皆靖汝寧歸德河南諸府各寨豪傑爭先



來歸受約束福王卽位金陵公傳露布江南廷論恢復  
功特授巡按河南監軍監察御史忤巡撫越其杰意譖  
之馬士英召潛夫還潛夫適遭外艱歸先是有童氏者  
自言福王繼妃廣昌伯劉良佐具禮送之潛夫至壽州  
亦稱臣朝謁及童氏入都王以爲假冒下之獄遂責潛  
夫私謁妖婦逮下獄治之南都破脫歸航海至越上書  
魯監國願假兵五千爲恢復計加太僕寺少卿監浙西  
軍募三百餘人與孫熊二家兵合列舟江上丙戌五月  
晦軍潰走山陰小赭里置酒賦絕命詞云父兮生我申  
以嚴誨惟孝惟友曰忠與義丙子鄉舉顧名自勵名曰

東城雜記

卷下

三

振綺堂校刊

孝廉庶幾無媿致身之期歲在癸未司理開封星言視  
事以身許君有死無二是時兩河賊氛如蝟衆人回車  
予獨攬轡賊出河朔羣工奔避予乃渡河擊楫而濟誓  
清河南以報先帝手披荆榛身禦魍魎獨張空拳以當  
賊騎知有封疆九死何畏三十州邑終復舊地惟時先  
帝鑒予忠瘁授以巡方繡衣北莅惜也諸姦互相牽制  
中樞信讒嫉予不媚聯絡要圖置之罔遂三月撤歸可  
爲隕涕哀哀先人一時捐棄甘旨莫承遺書淪廢我哀  
方盈姦怒轉熾赫赫金吾逮予邸第圍牆幽憂寇氛猝  
至匍匐歸來挈家奔躋航海飄零請兵期會召募丁男

三百而已衣甲糗糧皆予自備血戰江干二十餘次糧寡兵微事庸可冀疾痛呼號徒然憤恚丙戌五月公侯師潰區區孤軍計惟待斃事不可爲偷生何貴拜別吾母以及諸弟挈吾妻妾從彭咸逝成仁取義千古如是

### 陳高士貞倩

陳麗字貞倩號正庵玄倩弟也大梁之役與其兄間關戎馬思立效以自見國亡後匿迹東城隄窮以終有采菽堂詩集今錄其數首放言云武林城中游俠子自言生長東城里男兒意氣在四方雄心磊落誰能此生平不喜事文章走馬射箭心膽揚憶昔曾爲大梁客憶昔

### 東城雜記

#### 卷下

三

振綺堂校刊

嘗登公子堂雕弓大羽追飛蓋楚舞吳歌繞畫梁潁川日落征旗出河曲風高曉角長可憐遊徧青山道可憐踏徧春郊草隻身許國未曾捐頻年遭家多不造短髮蹉跎空自憐人生致身苦不早回首風塵一劍隨敝裘零落秋風吹百年徒侶蕭條盡舊國勳名那可追窮澗天寒風瑟瑟金盡牀頭空抱膝無家可種故侯瓜何地容栽陶令秫村中濁酒聊自斟耳熱歌高忘古今功名富貴豈長在流水浮雲何足尋勸君且酌杯中酒秋月春花隨地有逸羣傲世烈士心玷玉鑠金衆人口時危盡見世人情不如墮上還躬耕縱令疏拙非時調吾自

悠悠獨長嘯雜詩云市井城居僻襟懷野老迂病從違  
世得客自不才無道喪憂何用杯深興未孤苟全真此  
日遮莫問前途可求非所好不復更依人仰食書空著  
秋天月自親雪深高士臥瓜美故侯貧此意今誰解吾  
思早卜鄰又雜詠云任嬾吾真疾孤居世未同驚人言  
豈會閭俗禮難通名或他時在身憐故里窮短詩聊慰  
藉擊筑此城東出門時極目今晚又河干岸東人聲靜  
天垂斗柄寒樹明鐙出閣水暗月歸灘夜禁巡城急荒  
荒早與閒喜康侯弟歸云觸暑歸容易循環記一年草  
生今日綠閣有昔時玄棟折支難穩牆積補更穿况經  
東城雜記

卷下

天

振綺堂校刊

春去遠幾度憶花前暑散橫河雨塵清陋巷風一時朋  
自遠兩日酒應空汝亦愁行路吾今識固窮初歸莫惆  
悵前去任西東扶病同康侯弟登後園假山作云無那  
遣愁偏抱病最憐春色強登高山空老圃還生竹柳暗  
鄰家更著桃涕淚弟兄銷節序飄零關塞憶風濤東城  
蒼翠年年發幾日同來醉濁醪九日云九月九日風日  
清一罇獨倒倚東城紫萸欲插不忍插白髮偏生未可  
生落帽孟嘉真絕俗整冠杜甫故多情最憐人到傷心  
處乘醉登高亦強行贈梁仲木云丁酉之歲七月中薊  
門梁大來城東投刺豈因諸弟好訂盟曾與先兄同班

荆古寺畱殘日懷舊中原有戰功四海空囊雙鬢白青  
樓綠燈興偏雄五月三十日爲先兄諱日泣賦一律云  
一氣乾坤大三秋日月寒歸雲凌劍烏陰雨拜衣冠國  
破魂難慰家危廟未安江流成不返懷舊幾悲酸

陳際叔柴虎臣二處士

陳際叔廷會九歲操管作寇萊公枯竹生筍賦人皆奇  
之稍長補錢塘諸生效漢魏六朝人爲文與同郡陸麗  
京圻鯤庭培交好歲乙酉鯤庭以行人殉國難絕吭於  
桐隲引決時畱書與際叔別且盡以書籍遺之際叔聞  
信奔赴哭之慟爲書以報地下美鯤庭之得死所敘已

東城雜記

卷下

无

振綺堂校刊

有母且尚在草野不卽相從之故詞甚激昂惋惻無何  
陸氏竄徙駱村鯤庭配陳夫人延際叔於蕭寺教其子  
繁昭繁昭學旣成乃還其所遺書籍其交誼如此柴虎  
臣紹炳仁和人御史祥之孫也少爲諸生見賞於紹興  
司李陳公臥子後棄舉業杜門掃軌以醫自業詩文馴  
謹中程度如其爲人際叔嘗稱之曰虎臣著作雖侈不  
爲虛辭濫說可謂質有其文者也兩處士皆家城東偏  
而虎臣居九僻老屋數楹廁於壤垣廢圃間枯桑敗竹  
三徑荒寂際叔時過從劇談奮衰低昂擊節起舞雖樵  
蘇不爨意氣甚豪也際叔有瞻雲集虎臣有翼望山人

集與麗京及張祖望綱孫毛稚黃先舒沈去矜謙丁飛  
濤澎吳錦雯百朋孫宇台治虞景明黃昊稱西冷十子  
云

### 蓮居

城東精舍最多惟蓮居爲勝其地左負郭右亘土橋門  
外清流縈帶循六枳之櫺而入一往深窈寮舍堂殿如  
蜂王國如燕子巢戶牖相向皆極低小古木離立突怒  
鬱鬱蔭滿階除苔痕常如雨過妙香時聞翛然有出塵  
之想矣明萬歷時大覺瓏禪師所勅師戒行精整沈嘉  
則明臣屠緯眞隆吳伯霖之鯨諸名勝皆與之遊有一  
東城雜記

### 卷下

三 振綺堂校刊

碑虞長孺之文經奇李長蘅之書瘦硬宋比玉之篆蒼  
巖足稱三絕

### 白雲漫士

元陶煜字明元自號逍奧山人又號白雲漫士台州人  
以試吏年勞省除杭州東北隅錄事司典史畏吾人伯  
不花與其妻忽刺眞自昔同艱苦生女已十年一朝爲  
省宣使乃娶忽都女觀音奴爲小妻貌美貲豐善迎合  
至抑正妻正妻不勝憤不花擲刃以刺弗斃閉一室囚  
之及其女日少與食欲俾餓死婢引見訴主母枉於官  
錄事揮使去君曰此婢去三人必俱死於是叩頭白憲

府使得伸理獲全不花雖遇赦釋免猶坐黜至正壬辰除歸安縣平反冤獄按抑豪強此類甚多子三人長卽南村先生宗儀也詳見鄭明德僑吳集陶君墓碣中按元史百官志云凡路府所治置錄事司掌城中戶民之事中統二年二千戶以上設錄事司候判官各一員二千戶以下省判官不置至元二十年置達魯花赤一員省司候以判官兼捕盜事典史一員地理志云杭州路江浙行省所治領縣八州一至元十四年分宋都九廂爲四隅錄事司泰定二年併爲左右二錄事司所云東北隅卽左錄事司也

東城雜記

卷下

三

振綺堂校刊

夾葉蟲

鄉先輩仁和吳瓚字錫用號樂閒弘治庚戌進士嘗知南通州致仕家居年八十餘卒著武林紀事八卷中有一條云杭城東園人家四時種菜販賣遠至臨平長安俱用船載而去嘉靖元年三月間芥菜盛時水涸開河船不能行菜多而價廉其葉膜中生一種蟲子形如芝麻生數日子中出蟲久而生翅飛去鄉人名曰夾葉蟲人畏此蟲皆不肯買食其價大賤甚有棄諸河中者予幼時康熙甲申年菜亦多生此蟲老圃以百部浸水灑之

尼居

蕭山毛檢討奇齡志圓尼師抄化齋糧序云東園多尼居綠塍相接其在民家好佛如洛陽女子上請卻髮率連房以棲而至於故家遺闕官姬貴姝往往自爲畦稜結廬而居於其中志圓尼師中年去家伐茅而編籬獨以俗姓本沈氏築名沈庵有日矣康熙辛未將勸緣於城自持化簿膜拜予而請予以序夫閨中耽澹淨自昔所難況以朱門華屋之子餐金挖繡乃一旦託迹於此汰其膏而毀其飾猶復以齋薪供粥經營樵粒母乃太苦予嘗爲家太保題墓門之碑疏所自出歎其舅氏京東城雜記

卷下

三

振綺堂校刊

兆公爲明熹宗朝名臣當時稱杭州甲族以沈爲最其後嗣君輩起皆相繼仕宦而第五郎君曾以舉人爲蒼梧令者則尼之夫也世事之如幻也久矣長林高岸已爲陂池卽數十年來其間家國之興亡城隍之圯復與夫閭閻貧富宦遊荒落凡夫盛而衰衰而盛者亦復何限夫虹生電過倏忽變遷海市山樓到眼而沫而當其盛時炙顏熾手及其衰而悲之乃以解脫之情銷其愛憎舉凡人世遭逢或忻或戚者而一舉而返之空虛所謂以六如祛六觸非乎則夫愛金錢而吝施捨猶未達也夫人之可愛者莫如家室子女之身其所甚愛者尤

莫如首髮而以家之盛若此而棄之身與髮之所甚愛  
若此而捨之卻之由是而思天下之可變而不可戀有  
如是乎況金錢已

### 前生社公

秀水沈孝廉景倩德符敝帚軒牘語云虞德國吏部曾  
爲予言記得前生爲張秋左近河壩間土神人民稀少  
香火蕭條偶無聊策杖散步至壩上見津吏奔走冠蓋  
如雲急偵之乃一吏部郎經過也因心豔之旋謁上帝  
大被瞋責云汝且遷冥中要秩急羨此塵世熱官遂令  
生凡間俾如所願時虞清望素著旦夕將出山矣余心  
東城雜記

### 卷下

振綺堂校刊

念曰所言若信其兆不佳以社公而爲銓部前生所望  
已酬恐名位止此矣其後啟事屢登竟老林壑果如所  
卜

### 毛稚黃洪昉思詩

附諸虎男書

前輩毛稚黃遊東園詩云暮春天氣佳霽色映庭樹羣  
動態來還子亦信予步東園此城隅扶杖遵微路依依  
見原疇稍稍開煙霧井術紛疆畦蔬果隨所務居人多  
淳風力作鮮他慕渴鹵宜周均鉏泥適寒沍婦女多秉  
機兒童學馮瓠稍北地轉曠竹木森交互弱藻慢緣流  
幽花靜垂露我行不知遠足倦稍休駐風景趣予前竹



橋三四渡吾生困塵埃城邑苦奔驚翩翩濁世遊徒爲  
車馬誤偶適樂郊樂蕭然得其素此民眞吾徒此鄉亦  
吾故心賞誰與同郊居良可賦行將卜我鄰亂餘頗相  
護緬懷遇羲皇庶幾在朝暮歸歟望層城東樹挂蟾兔  
洪昉思東園詩云故苑景全非閒遊趣不稀鳩貪桑實  
醉鼠戀豆根肥日落機絲急風回梵磬微潮鳴畱古寺  
輦路草霏霏二作俱能寫景又諸虎男與毛稚黃書云  
東園之遊足下所剗爲也憶前十年除日招我偕行時  
枯桑未苞凍梅著藥班班殘雪如北苑畫中景物村夫  
薄酒小婦新衣叩古刹啜香茗微日漸黑疏星挂城渡  
想見當日之雅遊矣

青門處士

元至正間杭魏一愚自號青門處士楊廉夫爲作墓銘  
稱處士醇懿靚深恆懼外撓閉置一室中如處女然雖  
重客至不得面周親謁請或一見卽退平日危坐閱所  
蓄書幾萬卷然無他制作味其旨而已其言行可爲人  
勸者疏以示諸子凡積爲若干帙歿後三月而紅巾寇  
杭處士之廬與堞舍同燬方諸公孫述黃巢時隱人李  
業周朴輩不免其身處士何幸哉按青門卽東青門

僧了心

了心宋臨安東城僧也乾道五年撰重建南高峯塔記云住南高峯塔道人義圓一日疏其重建大略來東城退居求拙者語以識之老子曰噫余方掩關卻埽默據蒲團體乎明靜如冬枯木如古澗水口邊白醜久矣子不憚時流之所忌將無汗先佛之塔廟也耶越三數月圓又來叩請彌篤老子從容合十指爪掌曰諾請從事於此矣翼日與二士夫過西澗入靈石隴由煙霞嶺得支徑徜徉而上松篁蔥蒨羊腸頡曲行杳靄間腳膝疲甚遂解衣分塊石而坐取棗栗相勞旣而怒策藤枝獲東城雜記

卷下

三 振綺堂校刊

自餘軒

遂安毛鶴舫際可自餘軒說略云自餘軒者予友錢君章玉顏其室後之東偏以爲燕閒偃息之區者也武林地當孔道民居相屬鱗次櫛比雖達官右族曾不得咫尺園林可以遊目而憩足惟茲軒僻居城之東隅風土閒靜清池周四五里襟帶其側每煙月淪漣渺焉無際

如寄迹鏡湖震澤間幾忘此身之在都市位置亭臺一  
二絕無排比雕飾曠然如其曾次旁列素垣畫史藍田  
叔繪奇石數峯欽崎歷落其下間植脩篁左右相爲掩  
映予短於目望之以爲真幾欲下拜就視之乃知其墨  
戲也因借憩軒中數月不能去錢章玉名士璋號赤霞山人

楊琇

女郎楊琇字倩玉家東城之羊市明慧娟靚雅善篇詠  
有西湖竹枝云斷橋西去竹間廬不道山孤人亦孤嶺  
上梅花知妾是水中萍葉似郎無人皆傳誦之後歸沈  
適聲爲妾適聲浣溪紗云一帶高城蕭寺東遠山映水  
東城雜記 卷下 美 振綺堂校刊

莫氏古泉記

高雲閣主人莫雲卿爲人任俠好讀書多藏古器舊物  
康熙辛亥暮春張祖望綱孫過之出觀古錢百餘作莫  
氏古泉記今撮其略於此曰秦半兩錢大徑寸三分其文八分書曰半  
兩重十二銖或入漢厭勝錢長五寸七分闊一寸八分  
銖製自秦始皇帝螭龍蟠折其上下如圭有  
六小孔其體方兩面隱起粟新莽刀錢有柄似刀以黃  
文重三兩半製自漢武帝新莽刀錢金錯其文隸書  
日一刀直五千貨布錢長二寸五分廣一寸首長八分  
製自新莽居攝貨布錢有奇上有孔中有直文其下枝  
足文篆書曰貨布重二大黃布刀長二寸三分色赤首  
十五銖製自新莽天鳳

曰大黃布刀製亦新室漢錯刀長柄似刀柄有環如圖

莽常自稱黃虞之後大徑寸八分文篆書曰大泉

刀吳大泉五百錢大徑寸八分文篆書曰大泉宋鵝眼鏡形如鵝眼

千錢大徑寸五分文篆書曰大泉宋鵝眼鏡文隸書曰

小泉直百製大貨六銖錢大徑寸一文篆書曰大貨六銖

自宋廢帝一製有周北魏太和五銖錢大徑八分文篆

當五銖之一陳隋時行永安五銖錢大徑八分篆文曰永

郭或曰陳隋時行永安五銖錢大徑八分篆文曰永

五百背左右有七星劍萬國錢面作水波紋上一字類

星官月兔明月錢外無輪郭篆藕心錢形四方長二寸

雲鶴龜形如飛馬錢背有趙特騎勒其背有人執大

如藕心首形如飛馬錢背有趙特騎勒其背有人執大

稱錘鼻有孔飛馬錢背有趙特騎勒其背有人執大

泉五十七背有齊壽二字左右俞俞背有飛上下絕影背

東城雜記卷下

立馬阡萬錢背無面無文者二其一左右瓶劍形背有

有七星又有天下和平世高通寶天盛元寶漢元通寶

龜蛇形又有天下和平世高通寶天盛元寶漢元通寶

光順通寶金世圓寶洪德通寶洪順通寶畫隆元寶延

寧通寶慶長通寶寬永通寶宋元通寶皇宋通寶大宋

元寶朝鮮通寶右錢十六皆又唐開元至元至正凡四

十有一錢俱正不具錄外此永通泉寶南唐李大唐通寶唐

國通寶南唐元乾亨重寶南漢劉光天元寶前蜀王乾

德元寶前蜀王大世通寶隋賊劉天慶元寶契丹主順

天元寶唐賊史思明銷龍鳳通寶元末小明王乾封元

寶唐高宗五代湖南馬殷同有此號大安元寶晉惠帝

子秉常遼道宗查刺大寶通寶梁簡文帝南漢劉鋹皇

金主允濟同有此號海外日本同有此號

建元寶北齊主高演西夏主安全同有此號

虞宗玫宗瑤

虞宗玫字大赤宗瑤字仲皜俱德園司勳子宗玫豐軀偉貌初生時面如紅玉故名為人樸訥罕事文飾宗瑤則英敏爽朗每發議輒解人頤與友交初甚落落久乃彌篤竝有才名入復社仁和馮侗字儼公社中知名士也貧而不遇無子病危時屬家人巾車至二虞家二虞為之親治醫藥晝夜不懈及卒中堂門署喪屏庭設司鼓大赤仲皜跪拜謝弔客披上古友朋喪服前輩交誼東城雜記

卷下

天 振綺堂校刊

之篤如此仲皜子黃昊字景明亦能詩在西泠十子之列

### 竹深亭

城東地腴美多水而宜竹竹色深碧筍稍晚與西谿種略異洪武中潯陽張來儀羽竹深亭記云杭城之東偏有地曰戚家園周廣十畝通衢外環限以脩垣其中民舍若干區舍西有大竹數百竿青秀敷腴蒼若深谷煩囂攸祛忘在闐闐然居人莫知為勝吳興沈君某傲廬於斯悼衆之遺乃增亭竹間以娛宴休命之曰竹深亭亭縱一筵衡廣倍之棟宇簡易疏樞閒靜林園之勝專

於是矣丁未之冬予至自吳門沈君避是亭舍予居之三月而後去每清風激林驟雨合至飄蕩播灑萬葉交振鱗鰲鳩鴒之類翔萃其中鳴聲啁啾與天籟合乍大乍細聽之無窮故吾知是亭於風雨爲宜窮陰之夕雪霰交墜玲瓏蕭條坐聽旣久心寒耳淒則就枕而臥中夜聞折竹聲如裂帛如櫟敵清迅激越出人不意乍寐復寤旦起視之高者竦峭下者披靡琅玕翠碧化爲瑤林變眩洞射暗牖皆白故吾知是亭於雪爲宜煙霏朝斂黛綠搖翳日光穿漏影布窗上翕忽推移偃仰開合雖善繪者莫能窮其態投林之翼與暝色偕至流霞倒

東城雜記

卷下

三

振綺堂校刊

影晃搖其顛久而後沒故吾又知此亭於晴爲宜凡人

之居有一勝焉猶足以夸況斯亭不出尋丈以極萬變

晦明朝暮攬之不竭苟無所述誠居者之媿乃記予所

歷俾措之壁間然予又意是亭於夏宜避暑於秋宜玩

月惜予不及其時故無以寫其狀姑闕之以俟來者予

喜此文盡得竹之情形亟錄之

### 駱駝橋

夢梁錄云艮山門外法明寺前曰駱駝橋今橋在城內法明寺已久廢橋低而小下爲溝通東河

### 機神廟碑

廟在慶春門北予製碑云古者蠶有先蠶竈有先炊牧  
有先牧嗇有先嗇蓋祭先代勗始之人以明報本之意  
所謂有功則祀者也杭於東南爲大府桑土饒沃筐篚  
織文之貢於是乎出 國家常以內務重臣董其事置  
局城西而羣工匠多家城東舊有機神廟地陋制陋隸  
於局者與自爲繒以鬻者率私錢拓而新之獨無表石  
之文不知神所緣起懼無以示將來答靈貺因謁記於  
予予惟機神不載祀典觀其爲器則有杼有軸有走有  
膝有榘有樓有鹿盧有躡有綜佐之者有杓有梭有篋  
有羅車蓋一器而工聚焉冠帶衣履天下厥功甚大寧  
東城雜記

卷下

學 振綺堂校刊

無神以主之淮南子云伯余之初作衣也綵麻索縷手  
經指挂後世爲之機杼以便其用高誘注云伯余黃帝  
臣也一日伯余黃帝按史記黃帝姓公孫名軒轅則伯  
余非黃帝可知且帝嘗製五兵製指南車製華蓋製六  
律六呂製九鍼豈一手足之烈哉上有敦敏之君斯下  
有神明之佐易曰黃帝堯舜垂衣裳而天下治物勗於  
臣功歸於帝然則機有神非伯余莫屬矣考唐六典織  
染署有七月七日祭杼之文史記正義云河北織女三  
星主果蓏絲帛詩所云岐彼織女終日七襄者是也其  
祭以七月七日則附會七夕織女詣牽牛之說與乞巧

俗類今廟像袞冕儼然無玉珈雲袿之飾與唐祀異稷  
之配殷人易柱而棄說者以爲禮之善變傳曰天道遠  
人道邇機神雖私祀殆合於禮而知修人道者歟今  
天子躬勤儉以御世垂宵衣親澣濯虎旅龍驤之士皆  
衣大布神於斯時效職甚易而羣工匠之荷神庥者正  
未有艾乃詳其說俾刻於石復爲之歌以樂神曰神之  
降兮軒邱之廷易衣皮兮以緯以經神之妥兮東城之  
宇司袞衣兮爲黻爲黼染人五文兮恍氏萬縷貢 尚  
方兮及我兆庶練日兮辰良紛巾舞兮浩倡靈風靈雨  
兮澤我流黃湛酒酤兮瑤席萬斯年兮享祀無斁

東城雜記

卷下

望

振綺堂校刊

東城雜記卷下

